



# 梅村家藏彙卷第十三

詩後集五

國朝詩林  
卷五

梅村

五言律詩六十一首

過中峰禮蒼公塔四首

下馬支公塔經聲萬壑松影留吟處石智出定時鐘尙記山中約誰傳海  
外逢平生詩力健翹足在何峰

其二

明月心常湛寒泉性不枯鳥啼香積散花落影堂孤道在甯來去名高定  
有無淒涼看筆塚遺墨滿江湖

其三

慧業誰能繼宗風絕可哀昔人存馬癖近代薄詩才鹿走譚經苑鴉飛說  
法臺空懸竹如意落日講堂開

其四

故國流沙近黃金宰堵坡胡僧眉廿地梵夾口懸河傳法青蓮湧還家白  
馬馱他年乘願到應認舊山阿

蒼公  
滇人

囊十三詩後五

過王庵看梅感興

練川城南三十里爲王庵學憲王先生著書地也有梅萬株不  
減鄧尉余以春日過其廢圃學憲所著數種其版籍尙存

地僻幽人賞名高拙宦居客來惟老樹花發爲殘書斜日空林鳥微風曲  
沼魚平生貪著述零落意何如

獨往王庵看梅沈雨公攜尊道值余已過返賦此爲笑

屢負尋山約偶然來此間多君攜酒至愧我放船還雙屐成孤往千林就  
一閒誰知種花叟鎮日不開關

送致言上人

獨下千峰去蒼溪出樹腰雲生穿磴屐月滿過江瓢一飯從村寺前身夢  
石橋經行無定著惆悵故山遙

過韓蘄王墓四首

訪古思天塹江聲戰鼓中全家知轉鬪健婦笑臨戎汗馬歸諸將疲驢念  
兩宮淒涼岳少保宿草起秋風

其一

行在倉黃日提兵過故鄉傳聞同父老流涕說君王石馬心猶壯雲臺跡已荒一坏堪瀆酒殘日下平岡

其三

詔起祁連塚豐碑有賜亭掛弓關塞月埋劍羽林星百戰黃龍艦三江白石銘趙家金枕出山鬼哭冬青

其四

巨壘今蕪沒江山竟寂寥松風吹北固碑雨洗南朝細路牛羊上荒岡草木凋宵容樵豎擾遺恨在金焦

宿沈文長山館二首

一徑草堂偏湖光四壁天焙茶松籠火浴蘭竹籬泉玉鼠仙人洞銀鱸釣客船前村呼種樹偶語石橋邊

其二

遇山思便住此地信堪留謀食因溪確齋心在石樓漁舟帆六面橋井樹千頭長共鷓夷子翩然結伴游

福源寺

去毛公壇三里爲攢雲嶺有福源寺以泉名羅漢松係梁朝舊物

其二

千尺攢雲嶺金銀佛寺開鹿仙吹笛過龍女換珠來泉繞譚經苑松依說法臺蕭梁留古樹風雨不凡材

包山寺贈古如和尚

古木包山寺蒼然曉氣平石毛仙蛻冷近毛公壇雲影佛衣輕咒鉢蛟人聽彈碁鶴子驚相逢茶早熟匡坐說無生

過圻村

萬壑響鳴蟬湖光樹杪懸雲鬢神女廟雪乳隱君泉山籠櫻桃重溪船菱芡鮮相攜從此住松老不知年

湖中懷友

渺渺晴波晚青青芳草時遠帆看似定獨樹去何遲花落劉根廟雲生柳毅祠香蓴正可顛欲寄起相思

七夕卽事四首

羽扇西王母雲輶薛夜來鍼神天上落槎客日邊回鵲渚星橋迥羊車水殿開祇今漢武帝新起集靈臺

其二

今夜天孫錦重將聘雒神黃金裝鈿合寶馬立文茵刻石昆明水停梭結綺春沉香亭畔語不數戚夫人

其三

仙醜陳瓜果天衣曝綺羅高臺吹玉笛複道入銀河曼倩詼諧笑延年婉轉歌江南新樂府齊唱夜如何

其四

花萼高樓迥岐王共輦游淮南丹未熟緜嶺樹先秋 詔罷驪山宴恩深漢渚愁傷心長枕被無意候牽牛

大根菜

鶯葉青青古穿泥弗染痕誰人愛高繫留汝歷涼温輪囷形難老芳辛味獨存古來磬石重不必取深根

釣突泉二首

似瀑懸何處飛來絕壑風伏流根竅渺跳沫拂虛空石破奔泉上雲埋廢井通錯疑人力巧天地枯樺中

其二

藁十三詩後五

三

不信乘空起憑闌直濺衣池平難作勢石隱定藏機曲水金人立凌波玉女歸神魚鱗甲動咫尺白雲飛

贈新泰令楊仲延其地爲羊叔子故里

置邑徂徠下雙槐夾訟堂殘民弓作社遺碣石爲莊野蘭齊欸美春泉魯酒香歸來羊太傅不用泣襄陽

靈巖觀設戒

湖山留霸跡花鳥供經臺不信黃池會今看白社開枯潭龍洗出妙塔雁歸來此地關興廢須資法將才

遙別故友二首

絕域重分路知君萬里餘馬頭辭主淚雁足覆巢書草沒還家夢霜飛過磧車齊諧他日事應記北溟魚

其二

雪深難見日海盡再逢關野鼠多同穴神魚斷似山只應呼草地都不類人間勉謝從行者他年有箇還

秋夜不寐

秋多入衆音不寐夜沉沉浩劫安危計浮生久暫心鄰雞殘夢斷窗雨一燈深薄冷披衣起晨鳥已滿林

七夕感事

南飛鳥鵲夜北顧鶴鷺軍圍壁鉦傳火巢車劍拄雲江從巖鼓斷風向祭牙分眼見孫曹事他年著異聞

喜願雲師從廬山歸并序

願師住雲居十年而歸出其匡廬詩道五老石門九奇三疊諸勝飛泉怪瀑不可思議而尤以御碑亭雲海爲第一觀竟似住鏡光白銀二種世界不知滄桑浮塵爲何等事矣願公贈予五十初度詩其落句曰半百定將前諾踐敢期對坐聽松聲蓋責予前約會時方喪亂衰病無家願以高堂垂白不能隨師以去也乃爲此詩荅之

勝絕觀心處天風萬壑聲石門千鏡入雲海一身輕出世悲時事忘情念友生亂離兄弟恨辜負十年盟

贈錢受明

藁十三詩後五

四

獨喜嘗時譽疏通運等倫地從諸父重性似外家貧裘馬無他好詩書別有神古來傳孝謹非必守前人

受明得子柬賀

長因故人子往事憶流連會忝充閩會俄逢拜衰年諸甥今甫爾入抱卻依然吾老猶堪待公卿只眼前

宿徐元歎落木庵

元歎葉家住故鄆山中亂後歸天池兩舍落木菴竟陵譚友夏所題也

落木萬山心蕭條無古今棄家歸去晚別業住來深客過松間飯僧留石上琴早成茅屋計枉向白雲尋

送王子惟夏以牽染北行四首

晚歲論時輩空羣汝擅能祗疑椽陽逮猶是濟南徵名字供人借文章召鬼憎阿戎才地在到此亦何憑

其二

二十輕嘗世愁君門戶難比來狂太減翻致禍無端落木鄉關遠疲驢道路寒敝衣王謝物請勿笑南冠

其二

客睡愁頻起霜天貫索明此中多將相何事一書生末俗高門賤清時頌  
繁輕爲文投獄吏歸去就躬耕

其四

但可寬幽繫從教察孝廉昔人能薦達名士出髡鉗世局胥靡夢生涯季  
主占定聞收杜鶴甯止放江淹

其二  
虎丘中秋新霽

萬籟廣場合道人心地平天留今夜月雨洗去年兵歌管星河動禪燈風  
露清淒涼闔閭墓斷壑起松聲

其一  
哭亡女三首

喪亂才生汝全家竄道邊畏時思便棄得免意加憐兒女關餘劫干戈逼  
小年異亡天下事追感倍淒然

其二

一勸憐渠幼他鄉失母時止因身未殞每恨見無期白骨投懷抱黃泉訴  
別離相依三尺土腸斷孝娥碑

其三

五  
墓十三詩後五

扶病常聞亂漂零實可憂危時難共濟短算亦良謀訣絕頻攜手傷心但  
舉頭昨宵還勸我不必淚長流

中秋看月有感

今年京口月猶得杖藜看暫息干戈易重經少壯難江聲連戍鼓人影出  
漁竿晚悟盈虧理愁君白玉盤

支硎山齋聽雨明早晴更宿法螺精舍

秋山所宿處指點白雲生故作中宵雨倍添今日晴一峰當止觀萬象逼  
孤清更上上方去松風吹玉笙

憩趙凡夫所鑿石

石骨何年跡蒼然萬態收直從文字變豈止斧斤搜亂瀑垂痕古枯松結  
體道卽今苔蘚剝一一類銀鈎

趙凡夫山居爲祠堂今改爲報恩寺

高人心力盡石在道長存古佛同居住名山卽子孫飛泉穿樹腹奇字入  
雲根夜半藤蘿月鐘聲冷墓門

靈巖繼起和尚應曹村金相國請住虎丘祖席

應佛心無繫觀空老辨才道隨諸佛住山是相公開日出嚴齋鼓天清護  
講臺居然歌舞地人爲放棄來

王增城子彥罷官哭子留滯不歸近傳口信不得一字詩以款之  
一首

老徇妻孥意辭家苦萬端關心惟少子失計在微官客夢烏衣巷鄉愁白  
石灘可憐消息到猶作兩人看

其二

庚嶺應逢雁章江莫寄魚遙知雙淚盡不遣一行書家在無歸趣途窮失  
所如故鄉宜早去臨發乃長吁

寄懷陳直方四首

漢法三冬繫秦關萬里流可憐諸子壯不料闔門收要路寃誰救寬恩病  
獨留羈栖騎瘦馬風雪阻他州

其一

百口風波大三生夢寐眞膏梁虛早歲辛苦得前身索米芒鞋雪備書布  
帽塵不知公府椽可識路傍人

藁十三 詩後五

六

其二

萬事偶相值愁中且遣家江山俄轉戰妻子又天涯客酒消殘漏軍書過  
落花出門翻自笑妄矜只龍沙

其四

時世高門懼似君誠又稀何辜憂并坐卽免忍先歸苦語思持滿勞生羨  
息機向來兄弟輩裘馬自輕肥

咏月

長夜清輝發愁來分外明徘徊新戰骨經過舊臺城秋色知何處江心似  
不平可堪吹急管重起故鄉情

訪商倩郊居有贈

花影瘦籬根江平客在門時吟寒入市晚食兩歸村管記看山爽備書宿  
火痕西京游俠傳乃父姓名存

假寐得月

滅燭貪涼夜窗陰夢不成雲從閉目過月向舉頭生樹黑添深影溪長耐  
獨行故人多萬里相望祇盈盈

三峰秋曉

曉色近諸天，霜空萬象懸。雞鳴松頂日，僧語石房煙。清磬秀羣木，幽花香一泉。欲采黃蘗義，便向此中傳。

借願伊人晚從維摩踰嶺宿破山寺

樹老不言處，秋深無事中。雲根僧過白，霜信客來紅。樵語歸林火，茶煙小院風。杳然松下路，人影石橋東。

維摩楓林絕勝則公獨閉關結足出新詩見示

遇賞只枯坐，秋林自著霜。道心黃葉澹，勝事白雲忘。瀾水通茶竈，山花對石林。靜中幽思足，爲我出詩囊。

夜發破山寺別鶴如上人

得來松下宿，初月澹相親。山近住難定，僧高別更眞。暗泉隨去馬，急月卷歸人。過盡碧雲處，我心慚澗淪。

苦雨

響苦滴殘更，愁中耳倍明。生涯食舊業，天意誤躬耕。乞火泥蓮屋，輸租潦滿城。誰家歌舞宴，微曉不聞聲。

藁十三 詩後五

七

梅村家藏藁卷第十三終

梅村家藏藁卷第十四

詩後集六

五言律詩六十六首

茸城客樓大風曉寒吟眺以示友聖九日玉符諸子

偶作扁舟興偏逢旅夜窮鴉啼殘夢樹客話曉樓風月落三江外城荒萬馬中空持一尊酒歌哭與誰同

遇宋子建話故友有感

對酒徐君劍披襟宋玉秋蕭條當晚歲生死隔炎洲萬里書難到三山夢可求子建傷心南去雁老淚只交流

樓聞晚角

霜角麗譙聞天邊橫海軍旗翻當落木馬動切寒雲風急城烏亂江昏野燒分何年鼙鼓急倚枕向斜曛

送錢子璧赴大名

一騎衝寒雪孤城叫晚鴉參軍雄鎮地上客相公家酒盡河聲合燈殘劍影斜信陵方下士旅思莫興嗟

藁十四詩後六

過諸乾一細林山館

興極期偏誤名山識旅愁橋痕穿谷口亭影壓溪頭霞爛丹山鼎松鳴白石樓居然華燭夜先爲一峰留

神山夜宿贈諸乾一

高士能調鶴仙人得卧龍穿雲三徑杖聽月五聲鐘管樂名堪亞彭佺道自濃獨來天際住嘯詠赤城松

過徐文在西余山莊

已棄藍田第還來灞水濱煙開孤樹迥霜淨一峰真路曲山迎杖廊空月就人始知蕭相計留此待沉淪

細林夜集送別倩扶女郎

遠翠入頻眉輕寒袖半垂花生神女廟月落影娥池深竹微風度曉沙細履移回看下山路紅燭爲誰遲

天馬山過鐵崖墓有感

天馬龍爲友雲山鳥自飛定愁黃紙召獨羨白衣歸長卷心同苦狂歌調已非悲來吹鐵笛莫笑和人稀

陳徵君西余山祠

通隱居成市風流白石仙地高卿相上身遠亂離前客記茶龕夜僧追筆  
家年故人重下拜醉酒向江天

橫雲

青嶂千金鑿丹樓百尺高空山開化迹異代接賢豪李氏園亭廢後近身  
為諸乾一改築  
世供危眺妻孥付濁醪雙眸雲背豁飛鳥敢吾逃

送聖符弟之任蘄水丞四首

隨牒爲人佐全家漢水東放衙廳壁冷趨府戟門雄屈宋風塵下江山醒  
醉中丈夫從薄祿莫作故園窮

其二

四十未專城除書負姓名才高方薦達地僻鮮逢迎夏簟琴牀淨春泉茗  
椀清公餘臨墨沼洗筆畫圖成蘄有陸羽泉右軍  
洗筆池聖符善畫

其三

西上今吾弟分攜北固樓最高搔白首何處望黃州故舊忻無恙煙波感  
昔游蘄春有香草相寄慰離愁兼柬畢協  
公侍御

藁十四 詩後六

其四

訪俗曾經亂車過大澤鄉殘民談勝廣舊國記江黃廿載流移復三湘轉  
運長正逢休息後溫詔重循良

暑夜舟過溪橋示願伊人

深岸聽微風江清不寐中舟行人影動橋語月明空寺樹侵門黑漁燈點  
水紅誰家更吹笛歸思灑湖東

余山遇姚翁出所畫花鳥見贈

七十忘機叟空山羨獨行只今來白石當日住青城一斗開顏笑千花洗  
筆成那知牙齒落忽發浩歌聲

贈青溪蔡羽明

家傍山城住前賢定可追一經傳漢相八法繼秦碑仙是麻姑降才非唐  
舉知逃名因賣藥不愧鹿門期

橘

莫設西山成蕭條是橘官時洞庭初  
增兵將果從今歲少樹爲去年寒昨冬大寒  
橘大半枯  
死一絹輸將苦千頭剪伐難茂陵消渴甚只向上林看

蛤蜊

瓊飯無良法全憑適口湯食經高此族酒客得誰方水斷車螯味厨空仕  
嬭房江南沈昭略苦嗜不能嘗

膾殘

棄擲誠何細夫差信老饕微芒經七箸變化入波濤風俗銀盤薦江湖王  
饌高六千殘卒在脫網總秋毫

石首

採鮮諸俠少打鼓伐藏水五月三江去千金一網能尾黃荷葉蓋腮赤柳  
條勝笑殺兒童語烹來可飯僧

燕窩

海燕無家苦爭啣白小魚卻供人採食未卜汝安居味入金齋美巢營玉  
壘盧大官求遠物早獻上林書

海參

預使燂湯洗遲纔入鼎鑊禁猶寬北海饌可佐南烹產東萊海中故無禁莫辨蟲魚  
族休疑草木名但將滋味補勿藥養餘生

藁十四 詩後六

三

比目

比目誠何恨滄波作伴游幸逃網罟厄可免別離愁小市時珍改殘書土  
物收若逢封禪詔定向海邊求得東海比目魚可封禪見管子

鯨

舊俗漁鹽賤貧家入饌輕自慚非肉食每飯望休兵餘骨擅何附長餐臭  
有情腐儒嗟口腹屬鱉負昇平

過吳江有感

落日松陵道堤長欲抱城塔盤湖勢動橋引月痕生市靜人逃賦江寬客  
避兵廿年交舊散把酒歎浮名

莫釐峰

始信一生誤未來天際看亂峰經數轉遠水忽千盤獨立久方定孤懷驟  
已寬亦知歸徑晚老續此游難

送沈友聖漢川哭友詩四首 并序

漢川顧西巖侍御與雲間沈山人友聖為布衣交使吳深自折  
節友聖長揖就坐箕踞狂嘯無所不敢當所居田坳蓬蔚蘅圃

兩脈侍御出郊枉訪停車話舊一郡皆驚西嚙亡友聖徒步三  
千里哭之糧盡道寒直前不顧予與友聖交厚侍御亦以友聖  
之故厚予當三人虎丘夜飲其鄭重之形諸圖畫見於歌詩  
漢川之行惜子不能從也爰作詩寓其悲焉

士有一知已無須更不平世翻嫌鮑叔人竊罵侯生置飲忘形踞停驂廢  
禮迎柴門車轍在感舊淚縱橫

其二

得信俄狂走千山一哭中棄家芒屨雪爲位草亭風兩水江聲合三生友  
道空祇留黃鶴夢相見話詩翁

其三

貧賤誰會託相逢許此身論文青眼客漬酒白衣人三攜松楸冷江山薤  
露新一杯傾漢水不肯負春申

其四

徙步愁糧盡傷心是冬天雲埋大別樹雪暗小孤船死友今朝見狂名到  
處傳范張千里約重補入晴川

藁十四詩後六

四

秦留仙奇暢園三詠同姜西溟嚴孫友顧伊人作

山池塔影

黛色常疑雨溪堂正早秋亂山來衆響倒影漾中流似有一帆至何因半  
塔留眼前通妙理斜日在峰頭

惠井支泉

石斷源何處涓涓樹底生遇風流仁急入夜響尤清枕可穿雲聽茶頻帶  
月烹只因愁水遞到此暫逃名

宛轉橋

斜月掛銀河虹橋樂事多花歌當曲檻石礙折層波客子沉吟去佳人窈  
窕過玉簫知此意宛轉采蓮歌

慧山酒樓遇蔣翁

桑苎誰來繼名泉屬賣漿價應誇下若味豈過程鄉故老空山裏高樓大  
道旁我同何水部漫說撥醅香

家園次罷官吳興有感四首

世路嗟誰穩栖遲可奈何官隨殘夢短客比亂山多閉閣凝香坐行厨載

酒過卻聽漁唱響落日有風波

其二

勝事難忘處陰晴檻外峰高臺爭出水曲塢自栽松矢志花還放離程鶴  
未從白雲長澹澹猶作到時容

其三

枉殉千金諾空酌一飯恩只今求國士誰與報王孫強問裁詩卷長歌向  
酒尊古人高急難歎息在夷門

其四

劇郡非吾好蕭條去國身幾年稱敝吏此日作詩人京洛虛名誤江湖懶  
病真一官知已愧所得是長貧

許九日顧伊人和元人齋中雜詠詩成持示戲效其體

焦桐

流落中郎怨薰風意仁問響因知已出歌爲逐臣哀一曲尊前奏千金爨  
下材漢家忘厝火絕調過江來

蠹簡

囊十四詩後六

五

飽食終何用難全不朽名秦灰招鼠盜魯壁竄鼠生刀筆偏無害神仙豈  
易成卻留殘闕處付與鬻儒爭

殘畫

原白無多筆年深色更凋茶煙衝雨過竹粉遇風飄童懶屣從墮兒頑墨  
誤描六朝金粉地落木更蕭蕭

舊劍

此豈封侯日摩挲憶往年恩仇當酒後關塞卽燈前解去將誰贈輸來弗  
值錢不逢張壯武辜負寶刀篇

破硯

一擲南唐恨拋殘剩石頭江山形半截寶玉氣全收洗墨池成瑛窺書月  
仰鉤記會疏關失望斷紫雲愁

廢檠

憶會同不寐棄置亦何心喜伴疏窗冷愁添老屋深書將隣火映夢共佛  
燈沉莫嘆蘭膏燼應無黠鼠侵

塵鏡

舉目風塵暗全遮皓魄輝休嗟青鏡改憐我白頭非秦女妝猶在陳宮淚  
仁揮不知徐孺子負局幾時歸

斷碑

妙蹟多完闕天然反失真銷亡闕世代洗刷見精神搗處懸崖險裝來斷  
墨新正從毫髮辨半字亦先秦

過東山朱氏畫樓有感 并序

東洞庭以山後爲尤勝有碧山里朱君築樓教其家姬歌舞君  
每歸自湖中不半里令從者據船屋作鐵笛數弄家人聞之皆  
出樓西有赤欄干累丈餘諸姬十二人豔妝疑睇指點歸舟於  
煙波杳靄間既至卽洞簫鈿鼓諧笑並作見者初不類人世也  
君以布衣畜妓晚而有指索其所愛者以是不樂遣去無何竟  
卒余偶以春日過其里雖簾幙凝塵而湖山晴美樓頭有紅杏  
一株傍簷欲笑客爲余言君生平愛花病困猶扶而憑酒再拜  
致別諸妓中有紫雲者爲感其意至今守志不嫁嗟乎由此足  
以得君之爲人矣爲題五言詩於壁上

莫一四詩後六

六

盡說疑眸望東風徙倚身如何踏歌處不見看花人舊曲拋紅豆新愁長  
白蘋傷心關吟吟又是一年春

葉君允文偕兩叔及余兄弟游寒山深處

投足疑無地逢泉細聽來松顛湖影動峰背夕陽開客過攜山榼僧歸掃  
石臺狂呼聲撼木麋鹿莫驚猜

查灣西望

屢折纒成望山窗插石根溼雲低染徑老樹半侵門漁直看疑岸沙橫欲  
抱村湖光猶在眼燈火動黃昏

拜王文恪公墓

舊德豐碑冷湖天做寂寥動名高故相經術重前朝致主惟堯舜憂時在  
豎刁百年人世改野唱起漁樵

胥王廟

伍相丹青像鬚眉見老臣三江籌楚越一劍咎君親雲壑埋忠憤風濤詠  
苦辛生平家國恨偏遇故鄉人

查灣過友人飯

碧螺峰下去宛轉得山家橘市人沽釀桑村客焙茶溪橋逢樹轉石路逐灘斜莫負籃輿與夭桃已著花

寒山晚眺

驟入初疑誤沿源興不窮穿林人漸小攬葛道微通湖出千松杪鐘生萬壑中晚來山月吐遙指斷巖東

翠峰寺遇友

臥疾峰腰寺欹危脚步勞松聲侵殿冷花勢擁樓高薄俗詩書賤空山將吏豪時有成將居寺中不堪從置酒白髮自蕭騷

登寒山高處策杖行崖谷中

側視峰形轉空蒼萬象陰斷巖湖數尺絕澗樹千尋日透玲瓏影煙生窈窕心忽逢天際廣始覺所來深

沙嶺

亂峰當面立反憩得平丘坐卧此云適歌呼不自由支頤蒼鹿過坦腹白雲留笑指鳥飛處有人來上頭

飯石峰

臺十四詩後六

半空鳴杵白狼藉甌山傍莫救黔黎餓誰開白帝倉養芝香作粒煮石露為漿飯顆相逢瘦詩翁記飽嘗

柳毅井其地即柳社

仙井鹿盧音原泉瀉橋林寒添玉女恨清見柳郎心短綆書難到雙魚信豈沉波瀾長不起千尺爲情深

雞山夫差養闕雞處

飲啄丹山小長鳴澤畔雲錦冠虛恃氣金距耿超羣歛翅雌猶守專場勝未分西施眠正熟啼報越來軍

廠里在武山吳王養馬處

夫差芻秣地遺跡五湖傳柳葉青絲鞚桃花赤汗鞮武山桃花爲東洞庭一勝降王羞執轡豔妾笑垂鞭老驥哀鳴甚西風死骨捐

仙掌樓留別眾友

杯酒鏡湖平持來送客行可憐高會處偏起故園情煙鳥窗中滅風帆樹杪生遙看沙渡口明日是離程

登東山雨花臺

白雲去何處我步入雲根一水圍山閣千花夾寺門日翻深谷影煙抹遠天痕變滅分晴晦悠然道已深

留洞庭二十日歸自水東小港

漸覺雲天改扁舟曲曲行野橋誰繫姓村樹亦知名晚市魚蝦賤煙汀菰米生偶逢空澗處重起舊灘聲

武山

本名虎山夫差於其地養虎李唐諱虎爲武至今仍之

霸略誇擒縱君王置虎牢至今從震澤疑是射成臯土俗無機穽山風少怒號千秋遺忠處誰始剪蓬蒿

題郁靜巖齋前壁石

就石補奇雲潭幽亂石文貞堅應有性高下亦惟君鳥雀因人亂松杉我獨聞苔階含古色落落自同羣

梅村家藏藁卷弟十四終

藁十四 詩後六

梅村家藏彙卷第十五

詩後集七

七言律詩六十四首

江樓別幼弟字令

野色滄江思不窮，登臨傑閣倚虛空。雲山兩岸傷心裏，雨雪孤城淚眼中。  
病後生涯同落木，亂來身計逐飄蓬。天涯兄弟分攜苦，明日扁舟聽曉風。

揚州四首

疊鼓鳴笳發棹謳，梅人高唱廣陵秋。官河楊柳誰新種，御苑鶯花豈舊游。  
十載西風空白骨，廿橋明月自朱樓。南朝枉作迎鑾鎮，難博雷塘土一丘。

其一

野哭江邨百感生，鬪雞臺憶漢家營。將軍甲第彘弓臥，丞相中原拜表行。  
白面談邊多入幕，赤眉求印却翻城。當時只有黃公覆，西上偏隨阮步兵。

其二

盡領通侯位，上卿二分淮。蔡吝專征東，來處仲無它。志北去深源，有盛名  
江左衣冠先解體。京西豪傑竟投兵，只今八月觀濤處。浪打新塘戰鼓聲。

藁十五 詩後七

其四

撥盡琵琶馬上絃，玉鉤斜畔泣嬋娟。紫駝人去瓊花院，青塚魂歸錦纜船。  
苔蔻梢頭春十二，茱萸灣口路三千。隋堤壁月珠簾夢，小杜曾游記昔年。

過維揚弔衛少司馬紫岫衛韓城人與余同年同官

畫省連牀止論文，天涯書劍忽離羣。非關衛霍需開府，欲下高昂在護軍。  
高木素人朝議以紫岫同鄉拜兵部侍郎典其軍事葬骨九原江上月思家百口隴頭雲故人搖落  
邗溝暮為酌椒漿一慟君

過淮陰有感二首

落木淮南雁影高，孤城殘日亂蓬蒿。天邊故舊愁聞笛，市上兒童笑帶刀。  
世事真成反招隱，吾徒何處續離騷。昔人一飯猶思報，廿載恩深感二毛。

其一

登高長望八公山，琪樹丹崖未可攀。莫想陰符遇黃石，好將鴻寶駐朱顏。  
浮生所欠止一死，塵世無繇識九還。我本淮王舊，雞犬不隨仙去落人間。

贈淮撫沈公清遠

秋風杖節賜金貂，高會嚴更響麗譙。去國丁年遼海月，還家甲第浙江潮。

書生禮樂修玄雁諸將弓刀掣皂鵬最是東南資轉餉功成蕭相未央朝  
淮上贈嵇叔子

湖海相逢一俊英風流中散舊家聲琴因調古須防怨詩爲才多莫近名  
濁酒如淮歌慷慨蒼髯似戟論縱橫慚余亦與山公札抱病推遷累養生  
過宿遷極樂庵明日晤陸紫霞年兄話舊有感

同時知已曲江游縱酒高歌玉腕騶黃葉渾隨諸子散白頭猶幸故人留  
雲堂下榻逢僧飯雪夜聽鐘待客舟如此衝寒緣底事相逢無計詠離愁  
白鹿湖陸墩詩在宿遷縣東爲紫霞年兄避兵處

招提東望柳堤深雁浦魚莊買棹尋墩似謝公堪賭聖湖如賀監早抽簪  
雲遮老屋容君臥月落空潭照此心百頃荷花千尺水夜涼兄弟好披襟  
自信

自信平生懶是真底須辛苦踏春塵每逢墟落愁戎馬卻聽風濤話鬼神  
濁酒一杯今夜醉好花明日故園春長安冠蓋知多少頭白江湖放散人  
新河夜泊

百尺荒岡十里津夜寒微雨溼荆榛非關城郭炊煙少自是河山戰鼓頻  
倦客似歸因望樹遠天如夢不逢人扁舟蕭瑟知無計獨倚篷牕暗愴神  
將至京師寄當事諸老四首

柴門秋色草蕭蕭幕府驚傳折簡招敢向煙霞堅笑傲却貪畊鑿久逍遙  
楊彪病後稱遺老周黨歸來話 聖朝自是 聖書修盛舉此身只合伴  
漁樵

其二  
莫嗟野老倦沉淪領略青山未是貧一自弓旌來退谷苦將行李累衰親  
田因買馬頻書券屋爲牽船少結鄰今日巢由車下拜淒涼詩卷乞閒身

其三  
匹馬天街對落暉蕭條白髮悵誰依北門待詔賓朋盛東觀趨 朝故舊  
稀雪滿關河書未到月斜宮闕雁還飛赤松本是留侯志早放南山四老  
歸

其四  
平生蹤跡儘繇天世事浮名總棄捐不召豈能逃聖代無官敢卽傲高眠  
匹夫志在何難奪 君相思深自見懔記送鐵崖詩句好白衣宣至白衣

還

讀楊文驄舊題走馬詩于郵壁漫次其韻二首

數卷殘編兩石弓書生搖筆壯懷空南朝子弟誇諸將北固軍營畏阿童  
江上化龍圖割據國中指鹿詫成功可憐曹霸丹青手銜策無人付朔風

其一

君是黃驄最少年驍驅凋喪使人憐當時只望勳名貴後日誰知書畫傳  
十載鹽車悲道路一朝天馬蹴風煙軍書已報韓擒虎夜半新林早著鞭

過鄭州

馬滑霜蹄路又長鴉鳴殘雪古城荒河水雨入車難過野岸沙崩樹半僵  
邢邵文章埋斷碣公孫樓榭付斜陽只留村酒雞豚社香火年年賽藥王

恭紀

聖駕幸南海子遇雪大獵

君玉羽獵近長安龍雀刀環七寶鞍立馬山川千騎擁賜錢父老萬人看  
飢霜林白鹿開金彈春酒黃羊進玉盤不向回中逢大雪無因知道外邊  
寒

藁十五詩後七

三

聞撤織造志喜

春日柔桑土女歌東南杼軸待如何千金織綺花成市萬歲迴文月滿梭  
恩詔只今憐赤子貢船從此罷黃河尙方玉帛年來盛早見西川濯錦多  
上駐蹕南苑閱武行蒐禮召廷臣恭視賜宴行宮賦五七言絕句每體一

首應制

露臺吹角九天聞射獵黃山散馬羣練甲曉懸千鏡日翠旗晴轉一鞭雲  
奇鷹出架雕弓動新兔登盤玉饌分最是小臣慚賦賦屬車叨奉羽林軍  
送無錫堵伊令之官歷城

攬轡朱輪起壯圖遺民喜得管夷吾城荒戶少三男子名重人看五大夫  
晝就煙雲連泰岱詩成書札滿江湖茶經水傳平生事第一泉如趵突無

元夕

諸王花萼奉宸游清路千門照夜驪長信玉杯簪戴勝昭陽銀燭擎篔簹  
傳柑曲裏啼鶯到爆竹光中戰馬收却憶征南人望月金閨燈火別離愁  
讀鄆城魏石生懷古詩

長安雪後客心孤畫省論文折簡呼家近叢臺推意氣山開全趙見平蕪

憂時危論書千卷懷古高歌酒百壺自是漢廷真諫議蕭王陌上賦東都  
送永城吳令之任

春風驛樹早聞鶯馬過梁園候吏迎山縣尹來三月雨人家兵後十年耕  
鴉啼粉堞河依岸草沒旗亭路入城曾見官軍收賊壘時清今已重儒生  
送安慶朱司李之任

到官春水畫橈輕天柱峰高卽郡城百里殘黎半商賈十年同榜盡公卿  
雞豚塢壁山中稅鼓角帆檣江上兵亂後莫言無吏治此方朱邑最知名  
送胡彥達南還河渚

匹馬春風返故林松杉書屋晝陰陰猿愁客倦晨投果鶴喜人歸夜聽琴  
我有田廬難共隱君今朋友獨何心還家早便更名好只恐青山尙未深  
江上

鐵馬新林戰鼓休十年軍府笑諛謀但虞莊躡爭南郡不信孫恩到蔡州  
江過濡須誰築壘潮通滬瀆在今上海總安流蘆花一夜西風起兩點金焦萬  
里愁

送顧蒨來典試東粵

藁十五 詩後七

四

客路梅花嶺外飄江山才調屬車招石成文字兵須定珠出風雷瘴自消  
使者千旌開五管諸生禮樂化三苗憑君寄語征南將誰勒炎天銅柱標  
送李書雲蔡閩培典試西川

柳陌征衫錦帶鈎 詔書西去馬嘶游棧繁秦嶺千盤細水落巴江萬里  
流兵火才人羈旅合山川奇字亂離搜莫愁沃野猶難問取得揚雄勝益  
州

送山東耿中丞青藜

三經持節領諸侯好時家風指顧收岱頂磨崖看出日海邊吹角對清秋  
幕中壯士爭超距稷下高賢共唱酌北道主人東郡守丹青剖策本營丘  
送友人之淮安管餉

高牙鼓角雁飛天佑舫千帆落照懸使者自徵滄海粟將軍輒費水衡錢  
中原河患魚龍窟江左官租稷稻年聞道故鄉烽火急淮南幾日下樓船  
送隴右道吳贊皇之任

笳鼓千人度隴頭使君斜控紫驂驅城高赤坂魚鹽塞日落黃河鳥鼠秋  
移檄北庭收屬國闕兵西海取封侯請傾百斛葡萄酒玉笛關山緩帶游

恭遇

聖節次安丘劉相國韻

輿慶樓前捧玉觴，金張岐薛儼分行。龍生大漠雲方起，河出崑崙日正長。  
節過放燈開禁苑，春將射柳幸平陽。燕公上壽，天顏喜親定，甘泉賜宴

章

朝日壇次韻

曉日曠曠萬象鋪，六龍銜燭下平蕪。石壇耀火燭玄牡，露掌華漿飲渴烏。  
不夜城傳宣夜漏，玉宮朝奉竹宮符。即今東汜西崐處，盡入銅壺倒景殊。  
李退庵侍衛奉使湖南從兵間探衡山洞壑諸勝歸省還吳詩以

送之

一官之楚復游燕，歸去還乘笠澤船。戎馬千山尋洞壑，鶯花三月羨神仙。  
路穿江底聞雞犬，家在湖中接水天。侍御吾吳不似少陵長作客，祝融峰  
下住年年。

得蒲州道嚴方公信卻寄

西風對酒夢魂勞，聞道蒲津著錦袍。山遠塞垣長坂峻，河分天地斷崖高。

藁十五詩後七

五

登樓楚客看雲樹，隔岸秦人拜節旄。回首舊游飛雁遠，書來嚴助問枚臯。

送趙友沂下第南歸

秋風匹馬試登臨，此日能無感慨心。趙氏只應完白璧，燕臺今已重黃金。  
鄉關兵火傷王粲，京國才名識杜欽。最是淮南遇搖落，相思千里暮雲深。  
懷王奉常煙客

把君詩卷問南鴻，憔悴看成六十翁。老去祇應添髻雪，愁來那得愈頭風。  
田園蕪沒支笳懶，書畫蕭條隱几空。猶喜梅花開遶屋，臘醅初熟草堂中。  
送友人從軍閩中二首

客中書劍愴離羣，黃酒新豐一送君。絕嶠烽煙看草檄，高齋風雨記論文。  
中宵清角猿啼月，百道飛泉馬入雲。詔諭諸侯同伐越，可知勞苦有終

其二

平生不識李輕車，被詔揮鞭白鼻騮。簫鼓濟江催落木，旌旗衝雪冷梅。  
花胡牀對客招虞，奇羽扇麾軍逐呂嘉。自是風流新制府，王孫何事苦思

家

紀事

郭杜山南起直廬從禽載筆有相如秋風講武臨熊館乙夜橫經勝石渠  
七萃車徒堪討習百家圖史可佃漁上林獸簿何曾問叩馬無煩詠獵書  
送汪均萬南歸

扁舟春草五湖寬歸去餘醪釀未殘撥刺錦鱗初上筍團枝珠寶已堆盤  
瘦瓢量水僧燒筍拳石分泥客買蘭四月山塘風景好知君端不憶長安  
壽座師李太虛先生四首

放懷天地總浮鷗客裏風光爛熳收一斗濁醪還太白二分明月屬揚州  
錦筍土女鴈飛夜鐵笛關山劍舞秋猶有壯心消未得欲從何處訪丹丘  
其二

好客從無二頃田勝游隨地記平泉解衣白日消棋局岸幘青山入釣船  
故國風塵驚晚歲天涯歌舞惜流年篋中別有龍沙記不許傍人喚謫仙  
其三

讀易看山愛息機閉門芳草雁還飛江湖有夢爭南幸滄海無家記北歸  
煙水一竿思舊隱兵戈十口山重圍杜陵豈少安危志老大飄零感布衣  
葉十五 詩後七

其四

盧頂談經破碧苔十年不到首重回風清鐘鼓吳山出雲黑帆檣楚雨來  
痛飲長江看自注異書絕壁訪應開芒鞋歸去身差健白鹿諸生掃講臺  
寄房師周芮公先生四首 并序

偉業以庚午受知於晉江周芮公師進講涇州官舍維時上流  
無恙京口晏然吾師以陸生入雒之年弟子亦終軍棄襦之歲  
南徐月夜北固江聲揮塵論文登樓置酒笑譚甚適賓從皆賢  
已而入主銖衡地當清切周旋禁近提挈聲華拜別河梁十有  
八載滄桑兵火萬事都非偉業負未躬耕晷終沒齒不謂推遷  
塵事潦倒侔生病苦窮愁羈縻靡煎迫師以同徵獨得不至方推  
周黨共羨管甯而家居窮海身受重圍羽檄時聞音塵莫及雖  
然江南近信已泊樓船京峴舊游皆非樂土何必無諸臺上始  
接烽煙歐冶城邊纔開壁壘也既知援師南下山郡依然鄭樵  
居第可保圖書揚僕軍營惟聞笳吹欣欣故人之杖屨致遠道之  
郵筒爰作短章聊存微尚抒平生於慷慨寫盡日之羈愁庶幾

同經喪亂識此襟情雖隔山川無殊會面云爾

惆悵平生負所知尺書難到雁來遲  
枕椰月暗嚴城閉鷓鴣風高畫角悲  
湖裏逢仙占昔夢洞中遇叟看殘碁  
脫身衰白干戈際筍屐尋山話後期

其二

北府風流坐嘯清  
蕭郎白恰愛將迎  
蒜山望斷江干月  
荔浦愁看海上城  
劉寄關河雖險塞  
虛循樓艦正縱橫  
莫嫌戰鼓鄉圍急  
瓜步年來已用兵

其三

但若盤桓便見收  
詔書趨迫敢淹留  
始知處士青門里  
須傍仙人白石樓  
晉室衣冠依嶺嶠  
越王刀劍閉林丘  
少微卻照南天遠  
榕樹峰高隱故侯

其四

白鶴青猿叫晚風  
苦將身世詠飄蓬  
千灘水惡盤渦險  
九曲雲迷絕磴空  
廣武登臨狂阮籍  
承明寂寞老揚雄  
巨源舊日稱知己  
誤玷名賢啟事中

卽事十首

夾城朝日漸臺風  
玉樹青蔥起桂宮  
時乾清宮成謁者北衙新掌節  
初設內監郎官

莫十五詩後七

七

西府舊乘驄  
新選部郎叔孫禮在終  
應復蕭相功  
成固不同  
百戰可憐諸將帥  
幾人高會未央中

其二

六龍初幸晾鷹臺  
千騎從官帳殿開  
南苑車聲穿碧柳  
西山馳道夾青槐  
籀書夜半移燈召  
教射樓頭走馬來  
聞道上林親試士  
卽今誰是長卿才

其三

元僚白髮領槐廳  
風度須看似九齡  
疏乞江湖陳老病  
詔傳容貌寫丹青  
曹村相公乞休不  
從游西苑花初放  
侍宴南臺酒半醒  
最是御書房下允畫其像賜之

過賜茶清燕共談經

其四

列卿嚴譴赴三韓  
黃酒悲歌行路難  
妻子幾隨關外去  
都人爭擁路旁看  
樂浪有吏崔亭伯  
遼海無家管幼安  
盡說日南多瘴癘  
如君絕域是流官

其五

黃河東注出潼關  
本濟漕渠竟北還  
淮水獨流空到海  
始于清口濟漕河  
去則淮寬入海此  
汴堤橫嘴不逢山  
天心豈爲投圭璧  
民力何堪棄草菅  
請江關所以涸也

瓠子未成淇竹盡龍門遠掛白雲間金龍口決用柳梢作土牛塞河功竟不就掉兩河民力之盡也

其六

西山盜賊尙縱橫白晝畿南桴鼓鳴誰道盡提龍武將翻教遠過闔閭城軍需苦給嫖姚騎節制難逢僕射營斥堠但嚴三輔堵願銷兵甲罷長征

其七

新傳使者出皇都十道飛車算國租故事已除將作監他年須尙執金吾主持朝論垂魚袋料理軍書下虎符始信蕭曹務休息太平良策未全無

其八

柳營江上羽書傳白馬三郎被酒眠無意漫提歐冶劍有心長放呂嘉船金錢北去綠求印鐵券南來再控弦廟算只今勤遠略伏波橫海已經年

其九

秋盡黃陵對落暉長沙西去不能歸甘甯舊壘潮初落陶侃新營樹幾圍五嶺烽煙城郭改三湘征調吏人稀老臣裹革平生志往事傷心尙鐵衣

其十

巴山千丈擘雲根節使征西入劍門蜀相軍營猶石壁漢高原廟自江村

夔十五 詩後七

八

駐兵南鄭分闢開州兩地皆有高祖廟全家故國空從難異姓眞玉獨拜恩回首十年成敗事笛聲哀怨起黃昏

梅村家藏彙卷第十五終

# 梅村家藏藁卷十六

## 詩後集八

七言律詩七十八首

長安雜咏四首

玉泉秋散鼎湖龍 世廟玄都闕御容絳箭久銷金甌火青詞長護石壇  
松蓮移梅福身難去道向麻姑使未逢重過竹宮聞夜祭徐無仙客話乾  
封

其二

石門秋聳妙高臺 慈聖金輪寺榜開龍苑樹荒香界壤鹿園花盡塔鈴哀  
燈傳初地中峰變 經過流沙萬里來代有異人爲教出鳩摩天付不凡材

其三

鼓角鳴鞘下建章 平明獵火照咸陽黃山走馬開新埒青海求鷹出大荒  
奉轡射生新宿衛帶刀行 炙舊名王侍臣獻賦思遺事指點先朝說豹房

其四

百戰關山馬槊高 恥將階級鬪蕭曹兩河子弟能談劍一矢君王已賜

囊一六 詩後入

袍此日大家親較武 他時年少定分茅功成老將無人識 看取征南帶血  
刀

哭蒼雪法師二首

憶昔穿雲到上方 飛泉夾路筍輿忙孤峰半榻霜顛白清磬一聲山葉黃  
得道好窮詩正變觀心難遣世興亡 汰公塔在今同傳無著天親共影堂  
汰如住華山與師爲法侶  
最相得滅度已十六載矣

其二

說法中峰語句真 滄桑閱盡剝閑身宗風實處都成教 慧業通來不礙塵  
白社老應空世想青山我自哭詩人總教落得江南夢 萬樹梅花執比鄰  
送友人出塞 門人杜登春曰此詩送泰與季掌科作也季名開生  
上書有意不忘君 竄逐還將諫草焚 聖主起居當日慎 小臣忠愛本風  
聞玉關信斷機中錦 金谷園空畫裏雲 塞馬一聲親舊哭 焉支少婦欲從  
軍

海警

龍驤開府集戈船 不數昆明教戰年 刊木止因裝大艦 習流眞豈募空拳

卽事

越工樓櫓偏風利楚矢餘皇尙晝眠湖落春申灘上望虛糜十萬水衡錢

擊鼓迎神太乙壇越巫吐火舞珊珊露臺月上調絲管禁苑霜凋挾彈丸  
赤驥似龍徠萬里白鷹如雪致三韓栢梁焚後宜春起只有西山作舊看

送同官出牧人爲外任翰林讀學揚猶龍先帝出朝臣四十有一以下皆梓安王故有是

露華明河玉漏寒侍中出宰據征鞍 君王此日親除吏臣子何心道換  
官壯士驢山秋送戍豪家渭曲夜探丸扶風馮翊皆難洽努力諸公奏最  
看

寄周子倣中州

問道周郎數酒悲中原極目更依誰雲遮二室關山在河奪三門風雨移  
銅狄紀年何代根石經傳字幾人知狂歌落日登臨罷殘醉歸來信馬遲

懷古兼弔侯朝宗

河洛烽煙萬里昏百年心事向夷門氣傾市俠收奇用策動官娥報舊恩  
多見攝衣稱上客幾人勿頸送王孫死生總負侯嬴諾欲滴椒漿淚滿樽

藁十六詩後入

朝宗歸德人貽書約終隱不出  
爲世所逼有負夙諾故及之

送曹秋岳以少司農遷廣東左轄四首

江東才子漢平陽身歷三臺拜侍郎五管清秋懸使節百蠻風靜據胡牀  
珠官作貢通滄海象郡休兵奉朔方早晚鄴侯能薦達鋒車好促舍人裝

其二

秋風匹馬尉佗城銅鼓西來正苦兵萬里虞翻空遠宦十年楊僕自專征  
山連鳥道天應盡日落蠻江浪未平此去好看宣室召漢皇前席問蒼生

其三

銅柱天南起暮筇蒼山不斷火雲遮羅浮客到花爲夢庾嶺書來雁是家  
五月蠻村供白越千年仙竇訪丹砂炎州百口堪同住莫遣閒愁感鬢華

其四

懸瀑丹崖萬仞流越王臺上月輪秋江湖家在堪回首京國人多獨倚樓  
海外文章龍變化日南風俗鳥鞞朝知君此地登臨罷追憶平生話少游

送楊猶龍學士按察山西二首

碧山學士起嚴裝新把牙旗下太行玉麈開尊從將吏銀毫判牒喜文章

三關日落凝笳吹千騎風流出射堂憶賜錦袍天上煖西遊早拂雁門霜

其二

一天涼影散鳴珂落木平沙雁渡河北地詩名三輔少西風客思五原多  
紫貂被酒雲中火鐵笛吟秋塞上歌回首禁城從獵處千山殘雪滿淖池  
送王藉茅學士按察浙江二首

始興門第故人稀才子傳家典北扉畫省日移花更發御溝春過柳成圍  
江湖宦跡飄蓬轉嵩少鄉心旅雁飛重到冶城開戟地豈堪還問舊烏衣  
其二

訟堂閒嘯聽流鶯十載東南憶避兵江左湖山多故吏王家書畫豈虛名  
從容簿領詩還就料理煙霞政自成欲過會稽尋稷事斷碑春草曲池平  
送當湖馬觀揚備兵岢嵐

絕塞驅車出定羌洗兵空磧散牛羊黃河盡處無征戰紫燕飛時敢望鄉  
獨客登臨傷廢壘前人心力困危疆君恩不遣邊臣苦高卧荒城對夕

陽

送王孝源備兵山西

莫十六詩後八

三

秋盡黃河氣欲收千山雪色照并州鵬盤落木蒼崖壯馬賦層冰斷澗流  
父老壺關迎節使將軍廣武恥封侯雍容賓佐資譚笑吹笛城南月夜樓  
送同年江右朱遂初憲副固原四首

銜杯落日指雕鞍渭北燕南兩地看土馬河湟征戰罷弟兄關塞別離難  
荒祠黑水龍湫暗絕坂丹崖鳥道盤錯認故京還咫尺幾人遷客近長安  
其二

清秋柳陌響朱輪帳下班聲到近臣萬里河源通大夏七盤山勢控新秦  
北庭將在黃驄老西海僧來白象馴最喜安邊眞節使君恩深處少風塵  
其二

白草原頭驛路微十年踪跡是耶非月明函谷朝雞遠木落蕭關塞馬肥  
便道江城鄉思急故人京洛諫書稀一官漂泊知何恨老大匡山未拂衣  
其四

長將詩酒付奚囊此去征途被急裝首藉金鞍調白馬梅花鐵笛奏青羌  
涼州水草軍營盛漢代亭臺獵火荒往事功名歸衛霍書生垂老玉門霜

七夕感事

天上人間總玉京今年牛女倍分明畫圖紅粉深宮恨砧杵金闈瘴海情  
南園綠珠辭故主北邙黃鳥送傾城憑君試問雕陵鶴一種銀河風浪生

和楊鐵崖天寶遺事詩二首

漢主秋宵宴上林延年供奉漏沉沉給來妙服裁文錦賞就新聲賜餅金  
鷓鴣風微清笛迥蒲荷月落畫絃深明朝曼倩思言事日午君王駕未臨

其二

復道笙歌幾處通博山香裊綺疏中檀槽豈出龜茲伎玉笛非關于闐工  
浩唱扇低槐市月綫聲移動石頭風霓裳本是人間曲天上吹來便不同

送少司空傅夢禎還嵩山

高卧千峰鎖暮霞洛城春盡自飛花銅仙露冷宮門草玉女臺荒洞口沙  
被褐盧鴻仍拜詔賜金疏受早還家西巡擬上登封頌抱犢山莊候翠

華

夜宿蒙陰

客行杖策魯城邊訪俗春風百里天蒙嶺出泉茶辨性龜田加火穀占年  
野鷺養就都成蕪村酒沽來不費錢我亦山東狂李白倦游好覓主家眠

蒙十六

詩後八

四

鄉城曉發

匹馬孤城望眼愁雞聲喔喔曉煙收魯山將斷雲不斷沂水欲流沙未流  
野戍淒涼經喪亂殘民零落困誅求他鄉已過故鄉遠屈指歸期二月頭

聞台州警四首

高難響急峭帆收橘柚人煙對鬱洲天際燕飛黃石嶺雲中大吠赤城樓  
投戈將士逍遙卧橫笛漁翁縹緲愁聞說天台踰萬丈可容長嘯碧峰頭

其一

野火山深叫杜鵑閭風臺畔羽書傳軍捫絕磴松根火土接飛流馬上泉  
雁積稻梁池萬頃猿知擊刺劍千年桃花好種今誰種從此人間少洞天

其二

天門中斷接危梁玉館金庭跡渺茫石鼓響來開峭壁千將飛去出滄溟  
仙家壘是何年築刺史丹無不死方亂後有人還采藥越王餘算禹餘糧

其四

三江木落海天西華頂風高聽鼓鼙瀑布洗兵青嶂險石橋通馬白雲齊  
途窮鄭老身何竄春去劉郎路總迷最是孤城蕭瑟甚斷虹殘雨子規啼

遺嫁

蘸水寒堤百里風扁舟裝送月明中但教兒女輕諸累一任兵戈誤此翁  
故友蕪繁生死寄貧家粟粟亂離空歸來往事關心在不寐愁看燭影紅

江城遠眺

幕府山前噪乳鴉巖城煙樹隱悲笳柳條徧拂將軍馬燕子難求百姓家  
東海奔濤連北固西陵傳火走南沙江臯戰鬼無人哭橫笛聲聲怨落花

贈遼左故人八首

詔書切責罷三千里驅車向大東會募流移畊塞下豈遷豪傑實關中  
桑麻亭障行人斷松杏山河戰骨空此去曩臣聞鬼哭可無杯酒酌西風

其二

短轂一哭暮雲低雪窖冰天路慘淒青史幾年朝玉馬白頭何日放金雞  
燕支塞遠春難到木葉山高鳥亂啼百口總行君莫歎免教少婦憶遼西

其三

傷心書斷玉關秋使者收鷹北海頭共事故人誰賜告別來諸將幾封侯  
風霜積裏真難受瘴癘天邊不易求莫信古稱卑濕地南中猶有逐臣愁

藁十六 詩後八

五

其四

潦倒南冠顧影慚殘生得失讖瞿曇君恩未許誇前席世路誰能脫左  
驂雁去雁來空塞北花開花落自江南可憐庾信多才思關隴鄉心已不

堪

其五

貫索天邊動使星赭衣羸馬夕陽亭胥靡憔悴傷圖畫巷伯牽連累汗青  
滅死朔方誰考驗徙家合浦竟漂零故園無限東風柳蘆管吹來不忍聽

其六

浮生踪跡總茫然兩拜中書再徙邊儘有溫湯堪療疾恰逢靈藥可延年  
垂來文鼠裝綿暖射得寒魚入饌鮮只少江南好春色孤山梅樹卷溪船

其七

路出河西望八城保官老母淚縱橫重圍屢因孤身在垂死翻悲絕塞行  
盡室可憐逢將吏生兒眞悔作公卿蕭蕭夜半玄菟月鶴唳歸來夢不成

其八

齊女門前萬里臺傷心砧杵北風哀一官悞汝高門累半子憐渠快婿才

失母况經關塞別從夫只好夢魂來摩挲老眼千行淚望斷寒雲凍不開  
春日小園卽席次白林九明府韻

小築疏籬占綠灣釣竿斜出草堂間柳因見日頻舒眼花爲迎風早破顏  
地是廉泉連讓水人如退谷遇香山新詩片石留題在採蔗烹葵數往還  
題畫

芍藥

花到春深爛熳紅香來士女踏歌中風知相謔吹芳蒂露恨將離浥粉叢  
漬酒穩教顏色異調羹誤許姓名同內家彩筆新成頌肯讓玄暉句自工  
石榴

碧雲翦翦月鈎鈎狼藉珊瑚露未收絳樹憑闌看獨笑綠衣傳火照梳頭  
深房莫倚含苞固多子還憐麴齒羞種得萑蒲堪漬酒劉郎花底拜紅侯  
洛陽花

綠窗昨夜長輕莎玉作欄杆錦覆窠丹纈好描秦氏粉墨痕重點石家螺  
翦同翠羽來金谷織並紅羅出絳河千種洛陽名卉在不知須讓此花多  
茉莉

葉十六 詩後入

翦雪裁冰莫浪猜玉人纖手摘將來新泉浸後香恒滿細縷穿成葉半開  
愛玩晚涼宜小立護持隔歲爲親栽一枝點就東風裏好與新妝報鏡臺  
芙蓉

細雨橫塘白鷺拳竊紅婀娜向風前千絲衣薄荷同製三醉顏酡柳共眠  
水殿曉涼妝徒倚玉河春淺共遷延涉江好把芳名認錯讀陳王賦一篇  
菊花

夜深銀燭最分明翠葉金鈿認小名故著黃紵食入道却翹紫袖擅傾城  
生來豔質何消瘦移近高人恰老成幾度看花花耐久可知花亦是多情  
蘭虎

南山五日鏡奩開絲索春蔥縛軼材奇物巧從蠶館製內家親見豹房來  
越巫辟惡鏤金勝漢將擒生畫玉臺最是繭絲添虎翼難將續命詠牛哀  
茄牛

擊鼓喧闐笑未休泥車瓦狗出同游生成豈比東鄰憤殺棘何來孺子牛  
老圃盤飧誇特殺太牢滋味入常羞看它諸葛貪游戲苦鬪兒曹巧運籌  
養鶴

丁令歸來寄素書羽毛零落待何如雲霄豈有舖槽計飲啄甯關逐吳餘  
雲比撒鹽堆勁翻蟻旋封垤附專車秦皇跨鶴思仙去死骨何因葬鮑魚  
蟬猴

仙蛻誰傳不死方最高枝處憶同行移將吸露迎風意做就輕軀細骨妝  
薄鬢影如逢越女斷腸聲豈齊王內家近作通侯相賜出貂蟬做粉郎

蘆筆

採簪編蒲課筆晁織簾居士擅書名掃來魯壁枯難用焚就秦灰煮不成  
飛白夜窗花入夢草玄秋閣雁銜橫中山本是盧郎宅錯認移封號管城

橘燈

掩映蘭膏葉底尋玉盤纖手出無心花開槐市枝枝火霜滿江潭樹樹金  
繡佛傳燈珠錯落洞仙爭奕漏深沉饒他丁緩施工巧不及生成在上林  
桃核船

蓮蓬人

漢家水戰習昆明曼倩偷來下澗橫三士漫成齊相計五湖好載越姝行  
桑田核種千年久河渚槎浮一葉輕從此武陵漁問渡胡麻飯裏棹歌聲

臺十六詩後八

七

獨立平生重此翁反裘雙袖倚東風殘身顛倒惡誰戲亂服麤疏恥便工  
共結苦心諸子散早拈香粉美人空莫嫌到老絲難斷總在污泥不染中  
戲詠不倒翁

掉首浮生半紙輕一丸封就任縱橫何妨失足貪游戲不耐安眠欠老成  
儘受推排偏倔強敢煩扶策自支撐却遭桃梗妍皮諷此內空空浪得名

海虞孫孝維三十贈言四首

法護僧彌並絕倫聽經蕭寺紫綸巾高齋點筆依紅樹畫幟徵歌轉綠蘋  
一榻茶香專供佛五湖鰕菜待留賓丈夫早歲輕名宦鄧禹無爲苦笑人

其二

招真臺下讀書莊總角知名已老蒼何氏三高推小隱荷家羣從重中郎  
鬪茶客語千山雨寄橋人歸百顆霜太末理自孝若其地產橘最佳塵尾執來思豎義  
曼公同飯贊公房

其二

始立何容減宦情法曹有弟尚諸生松窗映火茗芽熟貝葉研朱梵夾成  
金谷酒空消冶習曲江花落悟浮名花落首爲扶桑志感也年來恥學王懷祖初辟

中兵捧檄行

其四

高柳長風六月天青鞋白鞵尙湖邊輕舟掠過破山寺橫笛邀來大石仙  
孫氏之先遇仙千王儉拜公猶昨歲張充學易在今年種松記取合圍後  
烏目山之巨石  
樹下著書堪醉眼

贈錢臣辰同年弟

諫公弟

杜家中弟擅閒身處士風流折角巾花萼一樓圖史遍竹梧三徑管絃新  
東都賓客多同輩西息田園有主人酒熟好從君取醉春令原上獨傷神

贈荊州守袁大韞玉四首

袁爲吳郡佳公子風流才調曲擅名  
遭亂北都佐藩西楚尋以失職空囊僑

寓白下扁舟歸里惆悵  
無家爲作此詩贈之

曉日珠簾半上鉤少年走馬過紅樓五陵烽火窮途恨三峽雲山遠地愁  
盧女門前烏柏樹昭君村畔木蘭舟相逢莫唱思歸引故國傷心恐淚流

其二

霓裳三疊遍天涯浪跡巴丘度歲華賴有狂名堪作客誰知拙宦已無家  
西州士女章臺柳南國江山玉樹花正遇秋風蕭索甚淒涼賀老撥琵琶

其三

冀十六詩後入

八

詞客開元擅盛名蕭條鶴髮可憐生劉郎浦口潮初長伍相祠邊月正明  
擊筑悲歌燕市恨彈絲法曲楚江情袁西樓樂府中善才已死秋娘老溼  
有楚江情一齣盡青衫調不成

其四

湘山木落洞庭波杜宇聲聲喚奈何千騎油幢持虎節扁舟鐵笛換漁蓑  
使君灘急風濤阻神女臺荒雲雨多楚相歸來惟四壁故人優孟早高歌

送楊懷涓擢臨安令

聽松鈴閣放衙陰飛瀑穿階入室琴許椽仙居丹井在謝公游策碧雲深  
山農虎善樵微徑溪女蠶忙採遠林此地何王誇衣錦錦城人起故鄉心  
合成都人臨安乃  
錢鏐衣錦城也

登縹緲峰

絕頂江湖放眼明飄然如欲御風行最高尙有魚龍氣半嶺全無鳥雀聲  
芳草青蕪迷近遠夕陽金碧變陰晴夫差霸業銷沉盡楓葉蘆花釣艇橫

過席允來山居

碧梧門巷亂山邊  
灑掃雖頻得自然  
石筍一林雲活活  
藥欄千品雨娟娟  
養花性爲先  
人好種樹經從伯  
氏傳社酒已濃  
茶已熟  
茗來長繫五湖船

贈武林李笠翁

笠翁名漁能爲唐人小  
說兼以金元詞曲知名

家近西陵住  
薜蘿十郎才  
調歲蹉跎  
江湖笑傲誇齊贅  
雲雨荒唐憶楚娥  
海外九州書志怪  
坐中三疊舞迴波  
前身合是玄真子  
一笠滄浪自放歌

贈崑令王莘雲尊人杏翁

永平人

半載江南客  
未深玉山秋  
靜夜沉吟九邊田  
牧思班壹三輔交  
遊識季心  
快馬柳城常命酒  
軟輿花縣整聞琴  
白頭閒說西京事  
會記循良久賜金

莘雲有能名未半  
載以錢糧報罷

客譚雲間帥坐中事

五茸絲管妓堂秋  
奪得蛾眉付主謹  
豈是絕纓諸將會  
偶因行酒故人留  
青尊有恨攀他手  
白削無情笑者頭  
若遇季倫西市日  
可宜還墮綠珠樓

別維夏

惆悵書生萬事非  
楮衣今抵舊烏衣  
六朝門第鴉啼遠  
九月關河木葉飛  
庾嶺故人猶未別

維夏叔增  
城公子彥

燕山游子早應歸  
正逢漉酒登高會  
執手西

藁十六詩後八

九

風歎落暉

梅村家藏藁卷第十六終

# 梅村家藏藁卷第十七

## 詩後集九

### 七言律詩七十四首

庚子八月訪同年吳永調於錫山有感賦贈四首

廿載京華共酒尊，十人今有幾人存。  
會今其零落已盡多愁我已嫌身世，  
高卧君還長子孫。土馬孤城喧渡口，  
雲山老屋冷溪門。相逢萬事從頭問，  
樺燭三條照淚痕。

### 其二

杖藜何必遠行遊，抱膝看雲鶴鬢裘。  
天遣名山供戶牖，老逢佳節占風流。  
干戈定後身還健，花月閒時我欲愁。  
莫歎勝情無勝具，亂峰深處著高樓。  
永調有足疾

### 其三

黃花秋水五湖船，客鬢蕭騷別幾年。  
老去妻孥多下世，窮來官長有誰賢。  
酒杯驅使從無分，書卷消磨絕可憐。  
賸得當時舊松菊，數間茅屋對晴川。

### 其四

### 藁十七詩後九

虛臺便闕信沉沉，話及清郎淚不禁。  
到處風波甯敢恨，僅存兄弟獨何心。  
南州師友江天笛，北固知交午夜砧。  
從此溪山避煢燼，暮雲黃葉閉門深。

### 送張玉甲憲長之官邛雅四首

秋水連天棹五湖，勞勞亭畔客心孤。  
飄蓬宦迹空迢遞，浩劫山川尙有無。  
石鏡開花惟自照，郵筒憶酒向誰沽。  
蕭條大散關頭路，匹馬西風入畫圖。

### 其二

劍外新傳一道通，十年羣盜漫稱雄。  
橫刀割取神波烈，火燒殘白帝宮。  
豈有山川歸李特，猶能車馬識文翁。  
誰將牛斗龍泉氣，移在天彭井絡中。  
張從江南學使者遷是職

### 其三

岷峨悽愴百蠻秋，路折邛峽九坂愁。  
城裏白雲從地出，馬前黑水向人流。  
松番將在看高卧，雪嶺僧歸話遠遊。  
欲問辟支諸佛土，貝多羅樹卽關頭。

雅州關外  
邛鳥思藏

### 其四

錦宮春色故依然，料理蠶叢半壁天。  
葛相祠堂尋有蹟，誰立門戶訪誰傳。

還家杜宇三更夢寄遠菖蒲十樣箋此去壯游何所恨思君長問楚江船  
哭中書趙友沂兼柬其尊甫洞門都憲

長沙長子九江船御史臺西月正圓兩省親朋歡笑日一官詩酒亂離年  
朱樓有淚看楊柳白髮無家聽杜鵑太息賈生歸未得湘花湘草夕陽邊

贈學易友人吳燕餘二首

風雨菰蘆宿火紅胥靡憔悴過牆東吞爻夢逐塵生放端策占成屈子窮  
縱絕三編身世外橫添一畫是非中道人莫訝姚平笑六十應稱未濟翁

其二

註就梁丘早十年石壕呼怒華門前范升免後成何用甯越鞭來絕可憐  
人世催科逢此地吾生憂患在先天從今郭上田休種簾肆無家取百錢  
壽繼起和尙

故山東望路微茫講樹秋風老著霜不羨紫衣誇妙相惟憑白足徧諸方  
隨雲舒卷身兼杖與月空明詩一囊台頂最高三萬丈道人心在赤城梁

惠山二泉亭爲無錫吳邑侯賦

九龍山半二泉亭水遞名標陸羽經寺外流觴何處訪公餘飛鳥偶來聽  
囊十七詩後九

丹疑高閣空潭紫翠溼層巒萬樹青洽行吳公今第一此泉應足勝中洽  
贈張以韞來鶴詩

草聖傳家久著聞斗看孤鶴下層雲路從蓬島三山遠影落琴川七水分  
自是昂藏矜鳳侶休教嫉妬報雞羣春風一樹梅花發耐守寒香孰似君

過三峰藥公話舊

霜落千峰曳杖尋筍輿衝雨過高林埋書草沒松根史洗鉢泉流石磴琴  
萬事幾經黃葉夢三生難負碧潭心山童不省團團語催打溪鐘夜未深  
永平田君宗周吳故學博也袁重其識之尤展成司李其地相見

詢袁年百有二矣索詩紀異并簡展成

北平車馬訪煙蘿記向夷齊廟下過百歲共看秦伏勝一經長在漢田何  
知交已料滄江少耆舊翻疑絕塞多聽罷袁絛數東望酒酣求作絳人歌

顧西巘侍御同沈友聖虎丘卽事四首

註就逍遙賦大風彥先才調擅諸公晴川兩岸憑欄外雪嶺千尋攬轡中  
我昔楚江同宋玉君今吳市訪梁鴻芳洲杜若無能採慚愧當年過滄宮

其一

喻蜀書成楚大夫征帆萬里到江湖  
鄉心縹緲思黃鶴祖德風流話赤烏  
問俗駐車從父老尋山著屐共生徒  
君家自有丹青筆衰白追陪入畫圖

其三

生公石畔廣場開短簿祠荒閉綠苔  
山楹偶攜羣吏散布帆無恙故人來  
爭傳五月登高會應改三江作賦臺  
自是野王思故里可知先賞陸機才

其四

一馬雙僮出野塘論文蕭寺坐匡牀  
花移埃鼓青油舫月映行厨白石廊  
漫叟短歌傷老大散人長揖想清狂  
細將朋友從頭數落落申生見與沈

郎

贈松江郡侯張升衛從江寧遷任

石城門外水東流簫鼓千人最上頭  
二陸鄉園江畔樹三張詞賦郡西樓  
油幢置酒尊鱸夜畫舫釣簾秬稻秋  
聞道青溪行部近兒童欣喜使君游

贈松郡副守涪陵陳三石自董

獨上高城回首難揚雄老去滯微官  
湖天搖落雲舒卷巫峽蕭森路折盤  
廿載兵戈違故里千村輪輓向長安  
京江原是三巴水莫作鄆筒萬里看

藁十七詩後九

贈松郡司李內江王擔四

十月江天曉放衙茸城寒發錦城花  
金堤更植先人柳玉壘重看使者車  
夕侍御拾庾橫霜柑書憶弟弟粵東令  
曲阿春釀夢思家侍御避亂詩成別寫  
鶯溪絹廳壁風篁醉墨斜竹寫

贈彭郡丞益甫

樓船落日紫貂輕坐嘯胡牀雁影橫  
雨過笛生黃歇浦花開夢遶發干城  
舊棠巴令龍蛇絹素爭搖筆善松杏山河已息兵人  
慷慨與君談舊事夜深欣共酒杯傾

十月下泮偕九日過雲間公讌闔石蒼水齋中同文饒諸子二首

百里溪山訪舊游南皮賓客盛風流  
文章座上驚黃絹名字人間愧白頭  
董相園開三徑夜陸生臺在九峰秋  
酒酣莫話當年事門外滄江起暮愁

其二

霜落南樓笑語清無端街鼓逼嚴城  
三江風月尊前醉一郡荆榛笛裏聲  
花滿應徐陪上讌歌殘倚阮隔平生  
歸來枕底天涯夢喔喔荒雞已五更

贈松江別駕日照安肇開

秋盡西風鬢影蒼，伏生經術蓋公堂。雞聲日出秦祠遠，鶴唳江空禹蹟荒。  
二水滄澗杯酒合，三山樓觀畫圖裝。歸來好啗安期棗，不夜城頭是故鄉。

滇池鏡吹四首

碧雞臺榭亂雲中，舊是梁王避暑宮。銅柱雨來千嶂洗，鐵橋風定百蠻通。  
朱鳶縣小輸資布，白象營高挂柘弓。誰唱太平滇海曲，檳榔花發去年紅。

其一

苴蘭城闕鬱岩巖，貝葉金書使者朝。海內徵輪歸六詔，天邊勦伐定三苗。  
魚龍異樂軍中舞，風月蠻姬馬上簫。莫向昆明話疏鑿，道人知已劫灰消。

其二

靄翠香祠總荒蘆，笙吹徹瘴雲黃。縱擒有策新疆定，叛服何常舊史亡。  
鬼國三年勞薄伐，王師五月下殊方。瀾滄肯爲它人渡，不許窺人有夜郎。

其四

盤江西遶七星關，可渡河邊萬仞山。隴上舊傳收白帝，南中今喜定烏蠻。  
龍坑壯馬看馳驟，雞足高僧任往還。辛苦武侯停節處，殘碑零落草斑斑。

儒將

蔓十七 詩後九

四

河朔功名指顧收，身兼使相領諸侯。按兵白道調神鶴，挾妓青山駕快牛。  
論敵肯輸楊大眼，知書不減范長頭。它年信史推儒將，馬稍清談第一流。

俠少

寶刀千直氣凌雲，俠少新參龍武軍。柳市博徒珠勒馬，柏堂箏妓石華裙。  
招權夜結金安上，挾策朝干王長君。堪笑年年秘書客，白頭空守太玄文。

山居卽事示王惟夏郁計登諸子

灌木清潭五畝居，山菘簷果釣竿魚。金龜典後頻賒酒，麈尾燒來爲著書。  
對客好穿高齒屐，出門常駕短轆車。陸倕張率呼同載，三月江南正祓除。

九峰詩九首

鳳凰山

碧樹丹山千仞岡，夫差親獵雉媒場。五茸風動琅玕實，三泖雲流沆瀣漿。  
鳥聽和鳴巢翡翠，花舒錦翼照文章。西施醉唱秦樓曲，天半吹簫引鳳凰。

庫公山

庫公石碣掩莓苔，千載陰符戰骨哀。鐵斧任從田父識，玉書休爲道人開。  
三分舊數江東望，二俊終非馬上才。恨殺圯橋多授受，鬪它劉項至今來。

神山

紫蓋青童白鹿巾細林仙館鶴書頻洗來丹井千年藥蛻去靈蛇五色鱗  
洞起春雲招勝侶潭空秋月證前身赤松早見留侯志何況商顏避世人

余山

溪堂剪燭話徵君通隱昇平半席分茶笋香來朝命酒竹梧陰滿夜論文  
知交倒屣傾黃閣妻子誅茅住白雲處士盛名收不盡至今山屬余將軍

薛山

薛公高卧始何年學士傳家有墓田枉自布衣登侍從長將雲壑讓神仙  
坐來石榻蒼苔冷採得溪毛碧鷄鮮最愛玉屏山下路月明橋畔五湖船

機山

蒹葭滿目雁何依內史村邊弔陸機豪士十年貪隱遜通侯三世累輕肥  
江山麗藻歸文賦京洛浮沉負釣磯白袷未還青蓋遠辨亡書在故園非

橫雲山

橫雲插漢領諸峰雨過泉飛亂壑松赤壁豈徑新戰伐丹楓須記舊游蹤  
祠荒故相江邨鼓客散名園蘭若鐘莫信參龍雲不去此山雲只爲人龍

葉十七詩後九

五

山有龍母祠  
又陸雲故宅

天馬山

龍媒天馬出昆崙青海長留汗血痕此地干將騰劍氣何來逸足鑣雲根  
石鯨潭影秋風動山有二石鐵笛江聲夜雨昏鐵崖芻秣可辭銜勒免空  
山長放主人恩

小昆山

積玉昆岡絕代無讀書臺上賦吳都君臣割據空祠廟家國經營入畫圖  
勢去河橋悲士馬詩成山館憶蓴鱸傷心白壁投何處汗簡淒涼陸大夫

送贛州會庭聞孝廉移家甫夏

十年走馬向天涯回首關河數暮鴉大庾嶺頭初罷戰賀蘭山下不思家  
詩成積裏因聞雁書到江南定落花夜半酒樓羌笛起軟裘衝雪踏鳴沙

贈何匡山

早年納節卧滄浪回首風塵鬢髮蒼陶令軍營姑孰口  
游墅石門莊後僑寓溧陽太白所謂山田種罷輪常稅海國歸來認故鄉  
人今歸城二月村居春雨足官梅花發爲何郎

題海虞孫子長七十壽圖

春秋註就授生徒虞仲祠前一老夫烏几看雲吟茵閣而帆衝雨醉菱湖  
空山撫操彈三峽故國興懷賦兩都同輩半非身健在爲誰寫入煉丹圖  
虞有徐紳  
翁煉丹處

觀蜀鵑啼劇有感四首 并序

蜀鵑啼者三子嶼雪爲吾兄成都令志衍作也志衍一官遠宦  
萬里嚴裝愛弟從行故人送別上游梗塞盡室扶攜旣舍冰而  
登山甫自滇而入蜀北鄙覆沒西土淪亡身殉封疆家罹鋒鏑  
嗚呼三十六口痛碧血之何存一百入盤招游魂而莫返無兒  
可托有弟言歸竄身荆棘之林乞食狼狽之族望蠻煙而奔走  
脫賊又以崎嶇恥趙禮之獨全赤眉何酷恨童烏之不免黃口  
奚辜爰將委巷之謳展作巴渝之舞庖子山之賦傷心時方板  
蕩袁山松之歌行路聞且啼戲余也老逐歡游閒逢浩唱在中  
年早傷於哀樂况昔夢重感乎交朋豈獨伍相窮來憐者有同  
聲之歎遂使雍門曲罷泣焉如亡邑之人瞻望兄兮猶來思悲

藁十七 詩後九

六

翁而不見蘭堂客散金谷詩成非關聽伎之吟聊當懷人之什  
爾

花發春江望眼空杜鵑聲切畫簾通親朋形影燈前月家國音書笛裏風  
百口悔教從鳥道一官催去墮蠶叢雪山盜賊今何處腸斷笙篔曲未終

其二

江關蕭瑟片帆留策馬俄成萬里游失計未能全愛子端居何用覓封侯  
雲山已斷中宵夢絃管猶開舊日樓二月東風吹水調鶴鴒原上使人愁

其三

平生兄弟劇流連高會南樓盡少年往事酒杯來夢裏新聲歌板出花前  
青城道士看游戲白髮衰翁漫放顛雙淚正垂俄一笑認君眞已作神仙  
劇中志衍  
兵解仙去

其四

過盡蠻江與瘴河還家有弟脫兵戈狂從劇孟千塲博老愛優旃一曲歌  
紅豆花開聲宛轉綠楊枝動舞婆娑不堪唱徹關山調血汚游魂可奈何

題華山藥菴和尚畫像二首

和尚熊姓字魚山直  
諫子杖不死後入道

清如黃鶴矯如龍浩劫長摺不壞松四國雖壇趨北面千年雪嶺啟南宗  
西銘復社漢月禪燈皆江胡夙世歸梅福經卷殘生繼戴顓諍論總銷墮  
師令吳江時身所興起  
誅草故人已隱祝融峰繼公隱南嶺  
蔡公本師也

其二

西南天地歎無歸漂泊干戈愛息機黃蘗禪心清磬冷白雲鄉樹遠帆微  
全生詔獄同官在如農乞食江城故老稀松布衲綻來還自笑篋中血裏  
舊朝衣

戊申上已過吳興家園次太守招飲郡圃之愛山臺坐客十人同  
修禊事余分韵得苔字

六客堂西襍飲臺亂山高會嘯歌開塔懸津樹雨中出鐘送浦帆天際來  
同輩酒狂眼怪石前賢墨妙沈蒼苔右軍勝集今誰繼仗有吾家季重才  
立夏日陪園次郡伯過孫山人大白亭落成置酒分韵得人字

春盡山空鶴唳頻亂雲歸處鎖松筠江湖有道容奇士關隴無家出俗人  
招隱起亭吟社客散仙留冢醉眠身一瓢零落殘詩在誰伴先生理釣緇  
得友人札詢近况詩以答之

夔十七詩後九

七

溪堂六月火雲愁支枕閒窻話貴游王令文章今日進丘公仕宦早年休  
道衰薄俗甘棲遁才退殘書勉勸警京雜故人聞健飯黃塵騎馬來城頭  
入風詩八首并序

余消夏小園風塲然而四至雖冷冷可以析醒已疾而淒其怒  
號不能無爰居之思避其庶人之雖風乎聊廣其意作爲此詩  
莊列寓言沈謝作賦庶以鳴候蟲而諧比竹若云俟諸輶軒則  
此不足採也

其一 東風

汴水楊花撲面迎飄飄飛過雒陽城陶潛籬畔吹殘醉宋玉墻頭送落英  
油壁馬嘶羅袖舉綠塘波皺畫簾聲獨憐趙后身輕甚斜倚雕闌待月生  
其二 南風

玉尺披圖解愠篇相烏高指越裳天終南雲出松檜響雙闕雨飛鈴索懸  
師曠審音吹不兢鍾儀懷土操誰傳九疑望斷黃陵廟會共湘靈拂五絃

其三 西風

落日巴山素女秋梧宮蕭瑟唱涼州白團掌內恩應棄絳蠟窗前淚未收

龍坂征夫蓋管怨玉關思婦杵聲愁可堪益部龍驤鼓獵獵牙旗指石頭  
其四 北風

萬里扶搖過白登少卿書斷雁難憑蕭梢駿尾依宛馬颯爽雄姿刷代鷹  
野火燒原青海雪驚沙擊面黑河水愚公墜戶頭如蝟傳道君王獵蕩陵

其五 東南風

紫蓋黃旗半壁中斗牛斜直上游通漫分漢沔魚龍陣須仗江湖烏鵲風  
振柁引船濶口利碼牙揮扇楮圻功試看片刻周郎火一捲曹公戰艦空  
三國志周瑜傳註黃蓋取輕艦十舫載燥荻枯柴建旌旗于上時東南風急同時發火燒盡北船曹公退走

其六 西南風

武帝雄圖叩笮開相如馳傳夜郎回巴童引節旌旄動夔馬隨車塵土來  
堯女尙應愁楮樹史記秦皇西南渡淮水浮江至湘山祠逢大風楚王從幾不得渡知是美女使刑徒伐湘山樹楮其山楚王從  
此怕登臺小臣欲進乘槎賦萬里披襟好快哉

其七 東北風

飛廉標怒向人間徐福求仙恨未還萬乘兩休封禪樹史記封禪書始皇二十八年秋八月休于大入神波斷羨門山皇時方士皆以風爲解入神皆在齊北成山樹下  
八 藁十七 詩後九

斗入海最居蕭蕭班馬東巡海發發嚴旌北距關錯認祖龍噫氣盛蓬萊  
咫尺竟誰攀

其八 西北風

沛宮親作大風歌往事彭城奈楚何身陷重圍逢晦冥天留數騎脫干戈  
史記項王圍漢王三匝大風從西北起折木飛屋揚沙石窈冥晝晦楚軍亂乃遇去威加河朔金方整地遶幽并  
殺氣多好祭蚩尤耐風伯飛揚長護漢山河

贈同年嘉定王進士四首

槎浦岡頭自種田居然生活勝焦先赤松採藥深山隱白鶴談經古寺禪  
孺仲清名交宦絕彥方高行里閭傳曲江細柳新蒲綠回首銅龍對策年

其二

翠竹黃花一草堂柴門月出課畊桑蘇林投老思遺事誰秀辭徵住故鄉  
彊飯却扶芒屨健高歌脫帽酒杯狂莫嗟過限年光易征調初嚴已十霜

其三

先生吟社夜留賓紫蟹黃雞麪面春萬事夢中稱幸叟一家榜下出閑人  
丙三及二子皆君房門第多遷改叔度才名固絕倫指上谷青史舊交餘  
科第而不仕

我在北窗猶得岸烏巾

其四

晚歲風流孰似君烏衣子弟總能文青箱世業高門在白髮遺經半席分  
正禮雙龍方矯角釋奴千里又空羣外家流輩非容易肯信衰宗有右軍  
大中丞心康韓公九月還自淮南生日爲壽

贈李膺公五十

先德傳家惡苦辛汗青零落剩閒身雲山笑傲遺叟松菊招尋見故人  
猶有田園供伏臘豈無書卷慰沉淪只看五月開樽宴撥刺江魚入饌新

庚戌梅信日雨過鄧尉哭剖石和尚遇大雪夜宿還元閣二首

筍輿衝雨哭參寥宿鳥啾鳴萬象凋北寺九成新妙塔塔師修報恩塔初成南湖千  
頃舊長橋雲堂過飯言猶在去歲與師在飯山閣雪夜挑燈夢未消最是曉鐘敲不

寐半天松枯影蕭蕭

其二

藁十七詩後九

九

投老相期共閉關師有招住影堂重到淚潺湲身居十地莊嚴上師初刻華藏圖  
道出三峰立要問壞衲風光青桂冷四宜堂叢桂最盛殘經燈火白雲閒吾師未

句分明在雪裏梅花雨後山

感舊贈蕭明府

余年三十有一以己卯七月奉命封延津孟津兩王於禹州過  
汴梁登梁孝王臺適學使者會課屬郡知名士於臺上因與其  
人語訪古蹟徘徊久之而後行逾三十三年雒陽蕭公涵三從  
道臣左官來治吾州拭目驚視云曾識余則蕭公乃臺上諸生  
中一人也感舊太息爲賦此詩

三十張旌過大梁繁臺憑眺遇蕭郎黃河有恨歸遺老朱邸何人問故王  
授簡肯忘羣彥會棄繻誰識少年裝長卿駟馬高車夢卧疾相逢話草堂

送許堯文之官莆陽二首

烏石煙巒列畫圖雙旌遙喜入名都路經鷓鴣嶺還龍嶺符剖鷺湖更鯉湖  
訪舊草堂搜萬卷吟詩別墅補千株知君不淺絃歌興別有高樓起望壺

其一



# 梅村家藏藁卷第十八

# 詩後集十

五言排律四首

途中遇雪卽事言懷

雪來榆塞北人去衛河西川隴方瀟漫關山正慘淒短衣吹帶直矯帽壓  
簷低漁臥舟膠浦樵歸柳斷蹊危灘沙路失廢井草痕齊塔迥埋椽梅臺  
荒策鼓鼙襍輕裝易發書重笈難攜久病人貽藥長途友贈綈橫津船渡  
馬野店屋棲雞家訴兵來破墻嫌客亂題簣牀甯有席葦壁半無泥路遠  
人呼飯厨空婦乞醴白糗麪作餌綠糝韭成齏入筋非鮭菜堆梓少棗梨  
山薪土銜續村釀瓦罌提甃堊驢如怒窺燈鼠似啼旗亭人又起草市路  
偏擠遇淖前騶唱衝風後騎嘶與肩幾步換囊精一夫齋行子誰停轡居  
人尙掩閨漸逢農荷鋤稍見叟扶藜往事觀車轂浮踪信馬蹄世應嘲僕  
僕我亦嘆栖栖赤縣初移社青門早灌畦餘生隨雁羣壯志失虹蜺築圃  
千條柳畔田十具壑昔賢長笑傲吾道務提撕得失書新語行藏學古稽  
詩才追短李畫癖近迂倪室靜聞支枕樓高懶上梯老宜稱漫士窮喜備  
殘黎有道甯微管無才卻薦嵇北山休誚讓東觀豈攀躋令伯親垂白中  
郎女及笄離程波渺渺別淚草萋萋憶弟看雲遠思親望樹迷書來盤谷  
友夢向鹿門妻踏蹬吾衰矣飄零歸去兮蓴鱸三泖宅花鳥五湖堤著屐  
尋廬嶠張帆入剡溪江南春雨足把酒聽黃鸝

送吳門李仲木出守甯羌

君到南山去興元驛路長孤城當沮口舊谷問華陽相近礮溪種魚從丙  
穴嘗殘兵白馬戍廢塢赤亭羌鐵鑊穿天上金牛立道傍隗囂宮尙在諸  
葛壘應荒往事英雄恨新愁旅客裝七盤遮駱谷十口隔秦倉黑水分榆  
柳青泥老鷓鴣不堪巴女曲尙賽武都王

贈家園次湖州守五十韻

清切推華省風流擅廣陵俊從江左造賢比濟南徵經學三公薦文章兩  
府稱北門供奉吏西掖秘書丞月俸鴉翎鈔春衣鳳尾綫賜醕班上膳從  
獵賦奇鷹粉署勞偏著仙曹跡屢陞赤囊條每對黃紙詔親承乞外名都  
重分符寵命仍爭傳何水部新拜柳吳興城闕晨笳動旌旗瑞靄凝射堂  
青嶂合訟閣絳霞蒸放出漁租減詩成紙價增笙歌前隊引賓客後車乘

石戶樵輸粟銀塘女採菱水嬉鉤卷幔社飲鼓分棚急雨溪諠確斜陽岸  
曬魯宗盟高季札史局慨吳兢官退囊頻灑年侵鏡漸憎鹿皮朝擁卷松  
火夜挑燈售業凋林薄殘身瘦石稜彈琴伐木澗荷鋪種瓜陸撥刺魚窺  
網偷晴鳥避簷已耽咻稼隱幾受黨碑德寥落依兄弟艱難仗友朋殷勤  
書一紙離別思千層逸爵斟佳醞綈袍製異綰蠶忙供杆軸茶熟裹絨膝  
族姓叨三謝詞塲繼二應敵宜陪魯衛賦催半鄒滕謙抑君胡過慚惶我  
曷勝長絨招鄭重短策跛飛騰好士公投轄尋山客擔登竹溪春澹蕩梅  
隴雪峻嶒孤館披襟坐危欄送日凭嵐光浮翠黛塔勢界金繩爲政崔元  
亮相逢皇甫會蘭橈輕共載蠅屐響同登笛冷荒臺妓鐘沉廢寺僧趙碑  
娟露滴顏壁壯雲崩衰至容吾放狂來敢自矜雄談茗是戰良會酒如灑  
楚澤投劉表江樓謁庾水故交當路遍前席幾人會妄把歡遊數癡將好  
夢憑懷人吟力健觀物道心澄雅意通毫素閑愁託刻藤折花貽杜牧採  
菊寄王弘瓊屑陳篇盡敬邪醉墨蠅非云聊以報舍此亦何能

賦得西隱寺古松

次葉詡卷韻  
贈陸翼王

誰將東海月挂在一株松偃蓋荒祠暗槎枒蘇石封寒生高士骨瘦入定

葉十八 詩後十

二

僧容絕頂危巢鶴奔枝破壁龍盤根供客踞掃葉認仙踪風寂吹常謾泉  
枯灑若涼性孤千尺傲材大百年慵葛相堪同臥秦皇耻再逢鹿芝香作  
供鶴草錦成茸影出層雲外霜天落曉鐘

五言絕句入首

讀漢武帝紀

岱觀東迎日河源西問天晚來雄略盡巫蠱是神仙

讀光武紀

雷雨昆陽戰風雲赤伏符始知銅馬帝遠勝執金吾

蕭何

蕭相營私第他年畏勢家豈知未央殿壯麗只棲鴉

南苑應制

熊館發雲旌春蒐告禮成東風吹紫陌千騎暮歸營

題畫

亂瀑界蒼崖松風吹雨急石廡虛無人高寒不能立

偶見二首

合歡金縷帶蘇合寶香薰欲展湘文袴微微蕩畫裙

其一

背影立銀荷瓊肌映綺羅燭花紅淚滿遮莫爲心多

古意

歡似機中絲織作相思樹儂似衣上花春風吹不去

六言絕句十二首

偶成十二首

南山不逢堯舜北窗自有羲皇智如樗里何用窮似黔婁不妨

其一

張良貌似女子李廣恂恂鄙人祖龍一擊幾中猿臂善射如神

其二

異錦文縉歌者黃金白璧蒼頭諸生唇腐齒落終歲華冠傲裘

其四

寶帳歲鞋雲漾象牀刻鏤花深破盡民間萬室遠踰禁物千金

其五

臺十八詩後十

韓非傳同老子蘇侯坐配唐堯今古一丘之貉不知誰鳳誰梟

其六

雍窗且加封爵田橫可誓丹青願得毋忘堂阜相看甯識神亭

其七

織薄吹簫豐沛拍張狂叫風雲朝領白衣隊主暮稱黑稍將軍

其八

雅擅潘文樂旨妙參羊體嵇心畫虎雕龍染翰高山流水彈琴

其九

東都督郵恣橫北門待詔窮愁莫舉賢良有道且求刀筆封侯

其十

食其長爲說客夷甫自謂談宗著書一篇雋永緩頰四座從容

其十一

趙壹恃才倨傲禰衡作達疏狂計吏恣睢唯卿相布衣笑罵侯王

其十二

厨下綠葵紫蓼盤中白黍黃柑冠櫛懶施高枕樵蘇失爨清談

梅村家藏彙卷弟十八終

彙十八 詩後十

# 梅村家藏藁卷第十九

## 詩後集十一

七言絕句七十一首

下相極樂菴讀同年北使時詩卷

蘭若停驂灑墨成過河持節事分明上林飛雁無還表頭白山僧話子卿  
過昌國

樂生去國罷登壇長念昭王知已難流涕伐燕辭趙將忍教老死在邯鄲  
任三

回首鄉關亂客愁滿身風雪宿任丘忽聞石調邊見曲不作征人也淚流  
臨清大雪

白頭風雪上長安襖褐疲驢帽帶寬辜負故園梅樹好南枝開放北枝寒  
阻雪

關山雖勝路難堪纔上征鞍又解鞵十丈黃塵千尺雪可知俱不似江南  
送王元照入首王善畫兪州先生曾孫偶來京師舊廉州太守也

青山補屋愛流泉畫裏移家破剡川添得一舟乘興上煙波隨處小游仙  
藁十九 詩後十一

其二  
始興公子舊諸侯丹荔紅蕉嶺外游席帽京塵渾忘卻被人強喚作廉州

其三  
報國松根廟市開公侯車馬鬪如雷疲驢一笑且歸去刑部街前曾看來

其四  
內府圖書不計錢漢家珠玉散雲煙而今零落無收處故國興亡已十年

其五  
布衣懶自入侯門手跡流傳姓氏存聞道相公談翰墨向人欲訪趙王孫

其六  
朔風歸思滿蕭關筆墨荒寒點染間何似大癡三丈卷萬松殘雪富春山

其七  
河北三公一紙書浪游何處曳長裾歸田舊業春山盡華子岡頭自釣魚

其八  
五馬南來韋使君故人相見共論文酒闌面乞黃堂俸明日西山買白雲

射得紅毛兔似拳乳茶桐酒閣門前相公堂饌銀盤美熊白烹來正割鮮

其二

雪消春水積成渠芻藁如山道不除怪殺六街驕唱少只今驄馬避柴車

其三

新更小篆譯蟲魚乙夜橫經在玉除訝道年來親政好近前一卷是尙書

其四

直廬西近御書房插架牙籤舊錦囊燕寢不須龍鳳飾天然臺几曲迴廊

其五

閣門春帖點霜毫玉尺量身賜錦袍聞道尙方裁製巧路人爭擁看枚臯

其六

龍媒剪拂上華茵嚴助丹青拜詔新莫向天闕誇絕技白頭韓幹竟何人

其七

徐無城下遇神仙移得驪山近玉田賭射上林春宴罷諸王騎馬向湯泉

其八

新張錦幄間垂楊四角觚稜八寶裝藉地煖茵趺坐軟茸茸春草是留香

藁十九 詩後十一

其九

騰黃赭白總追風八匹牽來禁苑中毛骨不殊聲價好但看騎上卽神龍

其十

側坐翻身馬上輕官家絕技羽林驚左枝忽發鳴髀箭仰視浮雲笑絕纒

其十一

柳陰觀射試期門撥去胡牀踞樹根徙倚日斜纔御輦天邊草木亦承恩

其十二

進呈文字費躊躇轉譯紛然混魯魚夜半相公還被詔御前帖子改翻書

其十三

新語初成左右驚一言萬歲盡歡聲多應絳灌交歡久馬上先行薦陸生

其十四

東盡三韓北嫩江秋風傳箭海西降玄狐獵罷搜青鼠射得頭鷲更一雙

其十五

五千鐵騎十三山太子河邊飲馬還前哨已踰歡喜嶺鼓聲西下震榆關

其十六

松林路轉御河行寂寂空垣宿鳥驚七載金滕歸掌握百僚車馬會南城  
其十七

海上奇毛固絕倫星眸玉爪出精神蘆溝橋上秋風起一簇紅塵鷹犬人  
其十八

西洋館宇逼城陰巧厝通玄妙匠心異物每邀天一笑自鳴鐘應自鳴琴  
其十九

迴龍觀裏海棠開禁地無人閑綠苔一自便門馳道啓穿宮走馬看花來  
其二十

宣爐殿內香燒禁府圖書洞簫故國滿前君莫問淒涼酒盞闕成窳  
其二十一

布棚攤子滿前門舊物官窳無一存王府近來新發出剔紅香盒豆青盆  
其二十二

大將祁連起北邙黃腸不慮發丘郎平生賜物都燔盡千里名駒衣火光  
其二十三

琉璃舊廠虎房西月斧修成五色泥遍插御花安鳳吻絳繩扶上廣寒梯  
其二十四

平生馬草世人知垂老猶堪萬里馳卻怪杏山書到日三軍早哭道旁碑  
其二十五

金魚池上定新巢楊柳青青已放梢幾度平津高閣上泰壇春望記南郊  
其二十六

紛紛茗酪鬪如何點就茶經定不磨移得江南來禁地迴龍小蓋淺松蘿  
其二十七

夜半齋壇唱步虛玉皇新築絳霄居吹笙盡是黃門侶別勅西清註道書  
其二十八

新題御墨賜犀顏紫禁城頭喚景山傳與外廷誇勝事蓬瀛小島在人間  
其二十九

水雲樹上會神仙層閣黃龍十丈船三篋羣臣半霑醉榴花開宴自今年  
其三十

蘭池落日馬蹄驚魚服揮鞭過柳城十萬羽林空夜直無人攬轡諫微行  
其三十一

藁十九 詩後十一

七寶琉璃影百層淪漪月色涼寒水詞臣主客詩圖進御帖親題萬壽燈  
燈成命編翰製詩  
聯勅賜名萬壽

其三十二

玉砌流泉繞碧渠晚涼紈扇軟金輿采蓮嬾子江南弄太液池頭看打魚

其三十三

龍文小印大如錢別署齋名自記年畫就煙雲填寶篆欲將金粉護山川

其三十四

渭園千里送簣管嫩籜青青道正長夜半火來知走馬尙方藥物待新篁

其三十五

新設椒園內道場雲堂齋供自焚香大官別有伊蒲饌親割鸞刀奉法王

其三十六

直廬起草擅能文被詔含毫寫右軍賜出黃鸞銀鑿落天銜徐踏墨池雲

其三十七

霜落期門喚打圍海青帽媛去如飛鴛鴦信至纔遊幸不比和林避暑歸

其二十九 詩後十一

四

其三十八

鴛鴦錦袋出懷中玉粒交爭花毯紅何似平章荒葛嶺諸姬蟋蟀鬪金籠

其三十九

綠絛聰慧換新妝比翼丹山小鳳皇巧能言金鎖愛賜緋妬殺雪衣娘

廣東進朱鸞  
鸞足有四趾

其四十

廣南異物進駝雞錦背雙峰一寸齊只道紫駝來絕塞雞林原在大荒西

鷄高三尺花冠翠羽背  
有雙峰似駝之內鞍也

伍員

投金瀨畔敢安居覆楚奔吳數上書手把屬餽思往事九原歸去遇包胥

偶見二首

新更梳裏簇雙蛾窄地長衣抹錦靴總把珍珠渾裝卻奈他明鏡淚痕多

其二

惜解雙纏只爲君豐趺羞澁出羅裙可憐鴟色新盤髻抹作巫山兩道雲

題帖二首

孝經圖像畫來工字格森嚴自魯公第一丹青天子孝累朝家法賜東宮  
禁本有孝經圖周昉畫顏魯公書神廟時  
會發內閣重裱今在吏部侍郎孫公北海處

其一

金元圖籍到如今半自宣和出禁林封記中山玉印在一股烽火竟銷沉  
甲申後質慎庫圖書百萬卷皆宣和所藏金自汴梁入燕者  
歷元及明初無恙徐中山下大都時封記尙在今皆失散不存

南苑應制

綠楊春繞栢梁臺羽蓋梢雲甲帳開知是至尊親講武日邊萬馬射生來

題石田畫芭蕉二首

一葉芳心任卷舒客愁鄉夢待何如平生枉用藤溪紙綠玉窗前好寫書

其二

不妨修竹共檀欒長對蕭蕭夜雨寒卻笑休文強多事後人仍作畫圖看

口占

欲買溪山不用錢倦來高枕白雲眠吾生此外無他願飲谷樓上二十年

題沙海客畫達摩面壁圖

松風拂拂水泠泠叅得維摩止觀經從此西來真實義埽除文字重丹青

臺十九詩後十一

五

題二禽圖

舊巢雖去主人空剪雨捎風自在中卻笑雪衣貪玉粒羽毛憔悴閉雕籠

詠柳四首贈柳雲生

走馬章臺酒半醒遠山眉黛白青青輸他張緒誇年少柳宿傷邊占小星

柳星張三  
宿同度

其二

十五盈盈擅舞腰無言欲語不能描武昌二月新栽柳破得工夫鬪小喬

時有喬姬  
亦擅名

其三

萬條拂面惹行塵選就輕盈御柳新枉自移生空設醴可憐青眼屬誰人

穆君初與雲遇  
爲畫眉人所奪

其四

玉笛聲聲喚奈何柳花和淚落誰多灞橋折贈頻回首惆悵崔郎一曲歌

崔郎主人  
歌童也

送友人出塞二首

吳茲受  
松陵人

魚海蕭條萬里霜西風一哭斷人腸勸君休望合支塞木葉山頭是故鄉

其二

此去梳人路幾千長虹亭外草連天不知黑水西風雪可有江南問渡船

雜題

白袷春衣繫隱囊少年吹笛事甯王武昌老者如相問翻得伊州曲幾行

梅村家藏藁卷第十九終

藁十九 詩後十一

六

# 梅村家藏藁卷第二十

## 詩後集十二

七言絕句八十一首

靈巖寺放生雞四首

芥羽狸膏早擅場爭雄身屬鬪雞坊從今喚醒夫差夢粉蝶低飛過講堂

其一

縛柵開籠敢自專雲中誰許作神仙如來爲放金雞赦飲啄浮生又幾年

其二

敢笑山雞惜羽毛卑栖風雨自三號湯泉夜半蓮花湧佛號鐘聲日未高

其四

雞足峰頭夜雨青花冠錦臆影亭亭老莊談罷疏窗冷閒向山僧學聽經

口占贈蘇崑生四首

樓船諸將碧油幢一片降旗出九江獨有龜年臥吹笛暗潮打枕泣蓬窗

其一

有客新經墮淚碑武昌官柳故垂垂扁舟夜半聞蘆管猶把當年水調吹

藁二十 詩後十二

其二

西興哀曲夜深聞絕似南朝汪水雲回首岳侯墳下路亂山何處葬將軍

其四

故國傷心在寢丘蒜山北望淚交流饒它劉毅思鷺豕不比君今憶蔡州

蘇生固始人卽楚相寢丘也

讀史有感八首

彈罷薰絃便蒞歌南巡翻似爲湘娥當時早命雲中駕誰哭蒼梧淚點多

其二

重壁臺前八駿蹄歌殘黃竹日輪西君王總有長生術忍向瑤池不並棲

其二

昭陽甲帳影嬋娟慚愧深恩未敢前催道漢皇天上好從容恐殺李延年

其四

茂陵芳草惜羅裙青鳥殷勤入暮雲從此相如羞薄倖錦衾長守卓文君

其五

玉靶青弓月樣開六宮走動射鵰才黃山院裏長生鹿曾駕昭儀翠輦來

其六

爲掣瓊窗九子鈴君王晨起婕妤好醒長楊獵罷離宮閉放去天邊玉海青

其七

上林花落落芳尊不死鉛華只死恩金屋有人空老大任它無事拭啼痕

其八

銅雀空施六尺牀玉魚銀海自茫茫不如先拂西陵枕扶下君王到便房

爲楊仲延題畫冊

歷陽山下訪潛夫指點雲峰入畫圖爲讀劉郎廳壁記過江煙雨作姑蘇

偶得二首

莫爲高貴畏告縉百金中產未全貧只因程鄭吹求盡卻把黔婁作富人

其二

家居柳市匿亡逃輕俠爲生舊鼓刀一自赤車收趙李探丸無復五陵豪

其三

金城少主欲還家油幘車輕御苑花望斷龍堆無雁字黑河秋雨弄琵琶

題畫四首

藁二十 詩後十二

二

潭路千山遶訟堂江程到日海城荒王郎妙手驅名勝廳壁雲生見大行

其二

八詠樓頭翠萬重使君家傍洞門松不知尺許蒼茫裏誰是雙溪第一峰

其三

臺池蕭瑟故園秋庚嶺朱輪感昔游文采尚存先業廢紙窗風雨寫滄洲

其四

太守囊惟賣畫錢琴書長在釣魚船長官近欲知名姓築屋江村擬種田

夜游虎丘八首

次顧西澗侍御韻

試劍石

石破天驚出匣時中宵氣共斗牛期魚鴈葬後應飛去神物沉埋未足奇

王珣故宅

捨宅風流尙可追王郎別墅幾人知卽今誰令桓公喜正是山花欲笑時

千人石

碧樹珠欄白足僧相攜劉尹與張憑廣場月出貪趺坐天半風搖講院燈

顏書石刻

劍池

魯公戈法勝吳鉤，決石錐沙莫與儔。火照斷碑山鬼出，劍潭月落影悠悠。  
百尺靈湫風雨氣，星星照出魚腸字。轆轤夜半語空中，無人解識興亡意。  
可中亭

悟石軒

白石叅來共此心，一亭矯立碧潭深。松間微月窺人澹，似識高賢屐齒臨。  
築居縹緲北，良常有客逢僧話。石廡仙佛共叅惟，此石白蓮花發定中香。  
後山月黑不見

戲題士女圖十二首

一 舸

霸越亡吳計已行，論功何物賞傾城。西施亦有弓藏懼，不獨鴟夷變姓名。

虞兮

千夫辟易楚重瞳，仁謹居然百戰中。博得美人心肯死，項王此處是英雄。  
出塞

蔓二十一 詩後十二

玉關秋盡雁連天，積裏明駝路幾千。夜半李陵臺上月，可能還似漢宮圓。  
歸國

當壚

董逃歌罷故園空，腸斷悲笳付朔風。贖得蛾眉知舊事，好修佳傳報曹公。  
墮樓

奔拂

金谷妝成愛細腰，避風臺上五銖嬌。身輕好向君前死，一樹穠花到地消。  
盜竊

取盒

令公高戟妓堂開，黃耳金鈴護綠苔。博浪功成倉海使，緣何輕爲美人來。  
夢鞋

銅雀高懸漳水流，月明飛去女諮謀。何因不取田郎首，報與官家下魏州。  
玉釵敲斷紫鸞雛，消息聲華滿帝都。能致黃衫偏薄倖，死生那得放狂夫。

驪宮

天上人間恨豈消雙星魂斷碧雲翹成都亦有支機石烏鵲難填萬里橋

蒲東

背解羅襦避月明仁涼天氣爲多情紅娘欲去喚鐘動扶起玉人釵半橫

題寒香勁節圖壽袁重其節母八十

東籬漣酒泛芳樽處士傳家湛母恩傲盡霜花長不落籜龍風雨夜生孫

烏棲曲

沉香爲簞錦爲傘白玉池塘翡翠船芙蓉翻水鴛鴦浴盧郎今夜船中宿

讀陳其年邗江白下新詞四首

樓寫新詞付管絃臨春奏妓已何年笑弋狎客無才思破費君王十萬箋

其二

鈿轂珠簾燕子忙宮人斜畔酒徒狂阿慶枉奏平陳曲水調風流屬窈娘

其三

落日青溪載酒時靈和垂柳自絲絲沈郎莫作齊宮怨唱殺南朝老妓師

其四

囊二十詩後十二

四

拾習春來興未除豔情還作過江書長頭大鼻陳驚坐白袷諸郎總不如

題思翁做趙承旨筆

奈山雲接弁山遙苕霅扁舟景色饒羨殺當時兩文敏一般殘墨畫金焦

李青城七十有六以自壽詩積閏平分已臺年之句索和余題一

絕贈之

詞家老宿號山農移得青城入九峰細數餘分添甲子黃楊千歲敵喬松

偶成

關河蕭索暮雲酣流落鄉心太不堪書劍尙存君且住世間何物是江南

題冒辟疆名姬董白小像八首并序

夫笛步麗人出賣珠之女弟雉皋公子類側帽之叅軍名士傾

城相逢未嫁人諧嫵婉時遇漂搖則有白下權家蕪城亂帥阮

佃夫刊章置獄高無賴爭地稱兵奔迸流離纏綿疾苦支持藥

裹慰勞羈愁荷君家免乎勿復相顧甯吾身死耳逞恤其勞已

矣夙心終焉薄命名留琬琰跡寄丹青嗚呼鍼神繡罷寫春蚓

於烏絲茶癖香來滴秋花之紅露在軼事之流傳若此奈餘哀

之側恰如何鏡掩鸞空絃摧雁冷因君長恨發我短歌詒以八  
章聊當一慨爾

射雉山頭一笑年相思千里草芊芊愉將樂府窺名姓親擊雲璈第幾仙

其二

珍珠無價玉無瑕小字貪看問妾家尋到白隄呼出見月明殘雪映梅花

其二

鈿轂春郊鬪畫裙捲簾都道不如君白門移得絲絲柳黃海歸來步步雲

其四

京江話舊木蘭舟憶得耶來繫紫騮殘酒未醒驚睡起曲闌無語笑凝眸

其五

青絲濯濯額黃懸巧樣新妝恰自然入手三盤幾梳掠便攜明鏡出花前

其六

念家山破定風波郎按新詞妾唱歌恨殺南朝阮司馬累儂夫婿病愁多

其七

亂梳雲髻下妝樓盡室倉黃過渡頭鈿合金釵揮拋卻高家兵馬在揚州

藁二十詩後十二

五

其八

江城細雨碧桃邨寒食東風杜宇魂欲弔薛濤憐夢斷墓門深更阻侯門

又題董君畫扇二首

過江書索扇頭詩簡得遺香起夢思金鎖溫來衣疊損空箱須記自開時

其二

湘君泫淚染琅玕骨細輕勻二八年半折秋風還入袖任他明月自團圓

古意六首

爭傳婺女嫁天孫纔過銀河拭淚痕但得大家千萬歲此生那得恨長門

其二

萱蕊梢頭二月紅十三初入萬年官可憐同望西陵哭不在分香賣履中

其二

從獵陳倉怯馬蹄玉鞍扶上卻東西一經輦道生秋草說著長楊路總迷

其四

玉顏憔悴幾經秋薄命無言祇淚流手把定情金合子九原相見尙低頭

其五

銀海居然妬女津南山仍銀慎夫人君王自有宅生約此去惟應禮玉眞

其六

珍珠十斛買琵琶金谷堂深護絳紗掌上珊瑚憐不得卻教移作上陽花

做唐人本事詩四首

聘就蛾眉未入宮待年長罷主恩空旌旗月落松楸冷身在昭陵宿衛中

其一

錦袍珠絡翠兜鍪軍府居然王子侯自寫赫躡金字表起居長信閣門頭

其二

藤梧秋盡瘴雲黃銅鼓天邊歸旆長遠槐木蘭身手健替耶征戰在他鄉

其四

新來夫婿奏兼官下直更衣禮數寬昨日校旗初下令笑君不敢舉頭看

題錢柔谷書蘭為袁重其陳祝

謝家燕子戀金堂玉樹東風遠砌長帶得宜男春鬪草衆中推讓杜蘭香

其二

北堂萱草戀王孫膝下含飴阿母恩錯認清郎貪臥雪生兒強比魏蘭根

囊二十 詩後十二

題王石谷畫二首

綠樹參差倚碧天波光微灩尙湖船煙縵自遶王維豎不必重參畫裏禪

其一

初冬景物未蕭條紅葉青山色尙嬌一幅天然圖畫裏維摩僧寺破山橋

臨終詩四首

忍死偷生廿載餘而今罪孽怎消除受恩欠債應填補總比鴻毛也不如

其二

豈有才名比照隣發狂惡疾總傷情丈夫遭際須身受留取軒渠付後生

其三

胸中惡氣久漫漫觸事難平任結蟠碑墨怎消醫怎識惟將痛苦付泓瀾

其四

姦黨刊章誦告天事成糜爛豈徒然聖朝反坐無冤獄縱死深恩荷保全

梅村家藏彙卷第二十終

梅村家藏彙卷第二十一

詩後集十三

詩餘小合中調六十首

望江南一十七首

江南好聚石更穿池水檻玲瓏簾幕隱杉齋精麗綠垣低木榻紙窗西

又

江南好翠翰木蘭丹窄袖袂衣持織女短簫急鼓采菱謳逆漿打潮頭

又

江南好博古舊家風宣廟乳爐三代上元人手卷四家中厥盒鬪雞鍾

又

江南好蘭蕙伏盆芽茉莉縷藏新茗椀木瓜香透小窗紗換水膽瓶花

又

江南好蒲博擅縱橫紅鶴八番金葉子玄盧五木玉楸枰艷采坐人傾

又

江南好茶館客分棚走馬布簾開玉肆博羊錫鼓賣山亭傀儡弄參軍

彙二十一 詩後十三

又

江南好皓月石塲歌一曲輕圓同伴少十反應細聽人多絃索應雲鏢

又

江南好黃翁紫車螯雞臚下豉澆苦酒魚羹加芋搗丹椒小吃砌宣窰

又

江南好櫻筍薦春羞梅豆漸黃採鶴頂芡盤初軟剝雞頭橘柚洞庭秋

又

江南好機杼奪天工孔翠裝花雲錦爛水蠶吐鳳霧綉空新樣小團龍

又

江南好獅子法王宮白足禪僧爭坐位黑衣宰相話遭逢拂子塞虛空

又

江南好開掃鬪新妝鴉色三盤安鈿翠雲鬢一尺壓蛾黃花讓牡丹王

又

江南好豔飾綺羅仙百褶細裙金線柳半裝高屨玉臺蓮故故立風前

又

江南好繡帥出鍼神霧鬢湘君披窈窕雲幢大士月空明刻畫類天成

又

江南好巧技棘爲猴髯漆湘筠香墊几餞金螺釧酒承丹鈿鏤匠心搜

又

江南好狎客阿儂喬趙鬼揶揄工調笑郭尖儂巧善詼嘲幡綽小兒曹

又

江南好舊曲話湘蘭薛素彈丸豪士戲王微書卷道人看一樹柳摧殘

如夢令

鎮日鶯愁燕懶徧地落紅誰管睡起熱沉香小飲碧螺春盃簾捲簾捲一

任柳絲風軟

又

誤信鵲聲枝上幾度樓頭西望薄倖不歸來愁殺石城風浪無恙無恙牢

記別時模樣

又

小閣焚香閒坐城紙窗風破女伴有誰來管領春愁一箇無那無那斜

壓翠衾還臥

又

煙鎖畫橋人病燕子玉關歸信報道負情儂屈指還家春盡休聽休聽又

是海棠開近

又

昨夜酒闌人醒移過玉人鴛枕同到瑣窗前照見一簾花影誰肯誰肯不

怕月明風冷

生查子

青鎖隔紅牆撒下韓嫣彈花底玉隄嘶立在垂楊岸纖指弄東風飛出

銀箏雁寄語畫樓人留得春光半

又

香煖合歡襦花落雙文枕嬌鳥出房櫳人在梧桐井小院賭紅牙輪卻

蒲桃錦學寫貝多經自屑泥金粉

又 旅思

一尺過江山萬點長淮樹石上水潺潺流入清谿去六月北風寒落葉

藁二十一 詩後十三

二

無朝暮度樾與穿雲林黑行人顧

點絳脣 蕪園

細骨姍姍指尖拂處嬌絃語著水掠人點點飛來雨 撲罷流螢帳底輕  
風舉眠無主誤黏玉體印得紅絲縷

浣溪沙

斷頰微紅眼半醒青人暮地下塔行摘花高處賭身輕 細撥薰爐香線  
繞嫩塗吟紙墨欵傾慣猜閒事爲聰明

又

一斛明珠孔雀羅湘裙窄地錦文鞦紅兒進酒雪兒歌 石黛有情新月  
皎玉簪無力暖雲拖見人先唱定風波

菩薩蠻

江天漠漠寒雲白長橋客醉閒吹笛沙嘴荻花秋垂蘿拂釣舟 危峰欹  
半倚仄徑蒼苔屐欲上最高亭遠山無數橫

減字木蘭花 題畫

藤谿竹路鳥道無人雲獨過鹿柵猿栖布襪青鞋客杖藜 江頭尺鯉展

蕪二十一 詩後十二

三

罷生綃天欲雨記得曾游古木包山五月秋

又 詠足

香跌印淺不洩春泥紅一寸羅襪鈞鈞點拍輕勻小鳳頭 歸來露滑醉  
把雙纏微笑脫撥醒檀即眼底端相白似霜

醜奴兒令

落紅已拂離闌近入手枝低莫肯高飛費盡東風著力吹 分明燕子唧  
來到因甚差池墜在污泥惹動游絲不自知

又

溪橋雨過看新漲高柳鳴蟬荷葉田田指點兒童放鴨船 前村濁酒沾  
來醉今夜涼天明月初圓一枕西窗自在眠

又

低頭一霎風光變多小心腸沒處參詳做箇生疏故試即 何須抵死推  
體去後約何妨卻費商量難得今宵是乍涼

清平樂 題雪景

江山一派換出瓊瑤界凍合灘舟因訪戴沽酒南村誰賣 草堂風雪雙

扉畫圖此景依稀再補吾廬佳處露橋一笠僧歸

浪淘沙

龍畫

枉自苦凝眸腸斷歸舟依然明月舊南樓報道孫郎消息好楊柳風流  
花意落銀鈞一寸輕柔生綉不剪少年愁看取幽蘭啼露眼心上眉頭

又端午

纏臂綵絲繩妙手心靈珍珠嵌就一星星五色疊成方勝小巧樣丹青  
刻玉與裁冰眼見何曾葫蘆如豆虎如蠅旁繫纍絲銀扇子半黍金鈴

又枇杷

上苑落金丸黃鳥綿蠻曉窗清露濕雕盤恰似戒珠三百顆琥珀沉檀  
織手摘來看香色堪餐羅衣將褪玉漿寒怕共脆圓同薦酒學得些酸

柳梢青

紅粉牆高風吹嫩柳露濕天桃扇薄身輕香多夢弱腸斷吹簫誰能一  
見相拋動人處詩成彩毫帳底星眸窗前皓腕又是明朝

西江月

靈巖聽法

昔日君王舞榭而今般若經臺千年霸業總成灰只有白雲無礙看取

臺二十一 詩後十三

四

庭前柏樹那些石上青苔殘山廢塔講堂開明月松間長在

又詠別

烏鵲橋頭夜話櫻桃花下春愁廉纖細雨綠楊舟畫闥玉人垂手紅袖  
盈盈粉淚青山剪剪明眸今宵好夢倩誰收一枕別時殘酒

又詠雪塑像

透出光明眼耳忍來冰雪心腸坐時兩手且收藏捏弄兒童無狀著體  
生成冷絮開門自在齋糧大千世界儘銀裝到得來朝一樣

又春思

嬌眼斜迴帳底酥胸緊貼燈前匆匆歸去五更天小膽怯誰瞧見臂枕  
餘香猶膩口脂微印方鮮雲蹤雨跡故依然掉下一牀花片

南柯子

涼枕

頰印紅多暈釵橫響易尋美人一覺在花陰怕是耳珠鈎住鬢雲侵有  
分投湘簾無緣伴錦衾眼多啣溜爲知音受盡兩頭牽繫像人心

又竹夫

玉骨香無汗從教換兩頭受人顛倒被人勾只是更無腸肚便風流嬌

小通身滑玲瓏滿眼愁有些情性欠溫柔怕的一時拋擲在深秋

鵲橋仙

園林晚霽池塘新漲明月窺人縹緲萬木陰森影過驚噪起一羣山鳥  
織雲暗度銀河斜轉露濕桂花香悄少年此夜不須眠把鐵笛橫吹到  
曉

南鄉子 新浴

皓腕約金環豔質生香浸玉盤曲曲屏山燈近遠偷看一樹梨花露未乾  
扶起骨珊珊裙袂風來怯是單背立梧桐貪避影更闌月轉迴廊半臂  
寒

又 春衣

玉尺剪裁工鬪色衣衫巧樣縫深淺配來織手縱重重蒲紫蒲青雅澹中  
斜領叩金蟲透肉生香寶袂鬆茜袖半垂鴉襪淺從容百折羅裙細細  
風

又 牡丹

高聳翠雲寒時世新妝喚牡丹豈是玉樓春宴罷金盤頭上花枝鬪合歡  
夢二十一 詩後十二

善意畫煙鬟用盡玄都墨幾丸不信洛陽千萬種爭看魏紫姚黃總一  
般

臨江仙 逢舊

落拓江湖常載酒十年重見雲英依然綽約掌中輕燈前纔一笑偷解研  
羅裙 薄倖蕭郎憔悴甚此生終負卿卿姑蘇城外月黃昏綠窗人去住  
紅粉淚縱橫

又 過嘉定感懷侯硯德

苦竹編籬茅覆瓦海田久廢重耕相逢還說廿年兵寒潮衝戰骨野火起  
空城 門戶凋殘賓客在淒涼詩酒侯生西風又起不勝情一篇思舊賦  
故國與浮名

醉春風 春思

門外青驄騎山外斜陽樹蕭郎何事苦思歸夫夫去燕子無情落花多恨  
一天憔悴 私語牽衣淚醉眼悵人覷今宵微雨怯春愁住住住笑整鸞  
衾重添香獸別離還未

又

眼底桃花媚羅襪，鉤人處四肢紅玉軟。無言醉醉醉，小閣迴廊玉壺茶暖。水沉香細，重整蘭膏膩，偷解羅襦繫。知心侍女下簾鈞，睡睡皓腕頰，移雲鬟低擁羞眸斜睨。

江城子風意

柳花風急賽清明，小兒擎走傾城一紙身。驅便欲上天行，千丈游絲收不住，纔落地，倏無聲。憑誰牽弄再飛鳴，御風輕，幾人驚。江南二月聽呼鷹，趙瑟秦箏，天外響，彈不盡海東青。

千秋歲

題袁重其侍母弄孫圖

吳中佳士獨有袁絲耳，營筆墨供甘旨。但期慈母笑，敢告吾勞矣。願只願年年進酒春風裏，少婦晨妝起，抱得佳兒侍。珠一顆，騎千里，石麟天上送蠟鳳，階前戲回首，道待看兒長還如此。

風入松

題和州守楊仲延廬寄廬阿山人戴君畫

長松落落蔭南岡，亂山橫砌銀塘。梅花消息經年夢，慢支頤，老屋繩牀。几風吹散映紙窗，兩洗疏篁。丹青點染出微茫，妙手過倪黃。寒雲流水間，憑弔誰能認，當利橫江翰墨幽人，小戴文章太守歐陽。

臺二十一詩後十三

六

永遇樂

壽江林有郡丞

二水東流千山西，擁中有英彥。漢重言詩齊，推善賦，綵筆形埤薦大堤。馳馬五嶺朱幡移，向吳雲一片看。油幢譚笑丰神，紫氣佳哉，葱蒨華堂開處。楊柳千條拂面，玉簫金管，茉莉香清。枇杷果熟，五月榴花，宴黃梅雨足。綠野陰濃，盡說太平重見，願使君長把瑤觴，輕揮紈扇。

紅林擒近

春思

龜甲屏暹掩，博山香未。焦鸚鵡煖猶睡，曉鶯上花梢，醒來擡身半晌。細雨濕夢無聊，文伴戲問春宵。笑頰暈紅潮。黛眉新月，偃羅襪，小蓮初更衣衣。攏髻背人自折櫻桃，怨玉郎起早日長倦。繡小樓花落，吹洞簫。

金人捧露盤

觀演秫陵春

記當年曾供奉，舊霓裳，歎茂陵遺事。淒涼酒旗戲，鼓買花簪帽，一春狂絲楊池館。逢高會，身在他鄉。喜新詞初填，就無限恨，斷人腸。爲知音仔細思量，偷聲減字，畫堂高燭弄絲簧。夜深風月催檀板，顧曲周郎。

柳初新

閨思

畫欄深鎖鴛鴦暖，照素影花枝軟。綠雲斜舞，寶釵欲墜，倦起日高猶嬾喚。

道是風簾捲半擡身慵開嬌眼  
閣外青山點點問平曠綠無誰慘玉  
颼  
嘶去欲窺還避肩倚侍鬢微掩  
凝望雙眉斂似不禁燕拘鶯管

梅村家藏彙卷第二十一終

彙二十一 詩後十三

七

梅村家藏藁卷第二十二

詩後集十四

詩餘長調三十六首

意難忘 山家

村塢雲遮有蒼藤老幹翠竹明沙溪堂連石穩苔徑逐籬斜文木几小窗  
紗是好事人家啟北扉移牀待客百樹梅花 衰翁健飯堪誇把瘦尊茗  
碗高話桑麻穿池還種柳汲水自澆瓜霜後橘雨前茶這風味清佳喜去  
年山田大熟爛熳生涯

滿江紅 題畫書總

楚尾吳頭僅斗大孤城山縣正遇著青絲白馬西風傳箭歸去秦淮花月  
好召登省閣江山換更風波黨籍總尋常思量遍 文史富才名擅交與  
盛聲華健正三公開府張燈高宴綠髻功名杯在手青山景物圖中見待  
他年揀取碧雲峰歸來羨

又 白門

松栝凌寒挂鍾阜玉龍千尺記那日永嘉南渡蔣陵蕭瑟羣帝翱翔騎白

藁二十二 詩後十四

鳳江山縞素舩稜碧躡麻鞋血淚灑冰天新亭客 雲霧鎖臺城戟風雨  
送昭丘柏把梁園宋寢燒殘赤壁破衲重游山寺冷天邊萬點神鴉黑羨  
漁翁沽酒一簑歸扁舟箇

又 過虎丘申

相國祠堂看古樹蒼崖千尺聽斷澗輓轡聲繁闌干吹笛士女嬉游燈火  
亂君臣際會松杉直任年年急雨打荒碑兒童識 今古恨興亡蹟白社  
飲青門客歎三公舊事吾徒蕭瑟歌舞好隨時世改溪山到處還堪憶儘  
浮生風月倒金尊千人石

又 讀史

顧盼雄姿數馬稍當今誰比論富貴刀頭取辨只應如此十載詩書何所  
用如吾老死溝中耳願君侯誓志掃秦關如江水 烽火靜淮淝壘甲第  
起長安裏尚輕他絳灌何知程李揮塵休譚邊塞事封侯掃袖歸田里待  
公卿置酒上東門功成矣

又 感舊

滿目山川那一帶石城東冶記舊日新亭高會人人王謝風靜旌旗瓜步

壘月明鼓吹秦淮夜算北軍天塹隔長江飛來也 暮雨急寒潮打蒼鼠  
窟宮門瓦看雞鳴墀下射雕盤馬庾信哀時惟涕淚登高卻向西風灑問  
開皇將相復何人亡陳者

又

詩酒溪山足笑傲終焉而已回首處亂雲殘葉幾篇青史昔日兒童俱老  
大同時賓客今亡矣看道傍爭羨錦衣郎會如此 遭際盛聲名起跨燕  
許追蘇李苟不知一事吾之深耻年少卽今何所得孝廉聞一當知幾論  
功名消得許多才偶然耳

又贈南中  
余澹心

綠草郊原此少俊風流如畫儘行樂溪山佳處舞亭歌榭石子岡頭聞奏  
伎瓦官閣外看盤馬問後生領袖復誰人如卿者 雞籠館青溪社西園  
飲東堂射捉松枝塵尾做些聲價賭豈好尋王武子論書不減蕭思話聽  
清譚疊疊逼人來從天下

又重賜  
咸舊

把酒登高望北固崩濤中斷還記得寄奴西伐彭城高譙飲至凌歊看馬  
藁二十二 詩後十四 二

射秋風落木堪傳箭數黃花依舊故宮非江山換 獨酌罷微吟倦斜照  
下東籬畔念柴桑居士高風誰見佳節又逢重九日明年此會知誰健論  
人生富貴本浮雲非吾願

又賀孫本芝  
壽兼得子

老矣君謨曾日咬荔枝三百拂袖去筍輿芒屨彈琴吹笛九日登高黃菊  
酒五湖放棹青山宅論君家住處本桃源仙翁石 門第盛芝蘭集五福  
滿雙珠出看龍文驥子鳳毛殊特竹馬鳩車墀下繞朱顏綠鬢尊前立問  
今朝誰捧碧霞觴同年客

又感興

老子平生雅自負交游然諾今已矣結茅高隱溪雲生閤暇日好尋鄰父  
飲歸來一枕松風覺但拖條藤杖筍鞋輕湖山樂 也不赴公卿約也不  
慕神仙學任優游散誕斷雲孤鶴健飯休嗟容鬢改此翁意氣還如昨笑  
風塵勞攘少年場安耕鑿

又懷山  
懷古

沽酒南徐聽夜雨江聲千尺記當年阿童東下佛狸深入白面書生成底

用蕭郎君履偏輕敵笑風流北府好譚兵參軍客 人事改寒雲白舊壘  
廢神鴉集儘沙沉浪洗斷戈殘戟落日樓船鳴鐵鎖西風吹盡王侯宅任  
黃蘆苦竹打荒潮漁樵笛

又壽金豈凡  
相國七十

雜社耆英高會處門前雙戟風景好沙堤花柳錦堂琴瑟北叟南翁須健  
在東封西禪何時畢羨蒼生濟了袞衣歸神仙客 法醞美雕薪炙燈火  
炤笙歌席正朱樓雪滿早梅消息雙鑠青山霜鏡馬歡娛紅粉春泥履願  
百年父老進霞觴昇平日

又壽顧吏部  
松交五十

拂袖歸來閑管領煙霞除目算得是與人無競高飛黃鶴眼底羊膺逢九  
坂天邊鱗浪愁千斛脫身時還剩辟疆園浮生足 樽酒在殘書讀拳石  
小滄洲綠有風亭月榭醉彈絲竹嫩籜雨抽堂下筍蒼皮霜洗窗前木倩  
丹青寫出虎頭癡山公屋

滿庭芳  
孫太初大白亭落  
成分韻得林字

鐵笛橫腰鶴瓢在手烏巾白袷行吟仙蹤恍惚埋玉舊煙林多少唐陵漢

藁二十一 詩後十四

三

寢王孫夢一樣銷沉殘碑在高人韻士留得到而今 雲深來此地相逢  
五隱白石同心喜今朝吾輩醉酒登臨忽聽松風驟響蘇門嘯髣髴遺音  
歸來晚峰頭斜景明日約重尋

六么令 詠桃

一枝穠豔蕪破垂楊色到處倚牆臨水裝點清明陌障袖盈盈粉面獨倚  
斜柯立深紅淺白無言忽笑鬪盡鉛華半無力 年年閒步過此柳下人  
家識煙臉嫩霧鬢斜腸斷東風客燕子欲來還去滿地愁痕藉芳姿難得  
韶光一片囑付東君再三惜

燭影搖紅  
山塘  
卽事

踏翠尋芳柳條二月春風半泰娘家在畫橋西有客金錢宴道是留儂可  
便細沉吟迴眸顧盼繡簾深處茗椀爐煙一牀絃管 惜別匆匆明朝約  
會新亭館扁舟載酒問婢娟幕地風吹散此夜相思豈慣孤枕宿黃蘆斷  
岸嚴城鐘鼓東雨殘燈披衣長歎

卷尋芳 春雨

欺梅踏澹弄柳迷離一幅煙水醉墨模糊澹簷插浮屠天際捲湘簾憑畫闌

白鷗點點飛還起視吾廬如掀翻一葉空江深處 記今朝南湖襖飲土  
女嬉游此景佳麗細馬輕車不到斷橋西路雙屐衝泥僧喚渡一瓢沽酒  
柴門閉料今宵對殘燈客情憔悴

念奴嬌

東籬殘醉過溪來閒訪黃花消息小院高樓門半掩細雨欄干吹笛側帽  
狂呼搗箏緩唱翠袖偎人立欲前還止此中何處佳客 卻是許掾王郎  
風流年少爛醉金釵側十載揚州春夢斷薄倖青樓贏得遍插茱萸山公  
老矣顧影頭毛白凭高惆悵暮雲千里凝碧

木蘭花慢

過濟南

天清華不住搔首望白雲齊想向父夷吾雪宮柏廈衰草長堤松耶柏耶  
在否祇斜陽七十二城西石窰功名何處鐵籠籌算都非 儘牛山涕淚  
沾衣極目雁行低歎鮑叔無人魯連未死憔悴南歸依然洋洋東海看諸  
生奏玉簡金泥誰問碣磈戰骨秋風老樹成圍

又 話舊

西湖花月地櫻筍熟鱖魚肥粉袖銀箏青簾畫舫煙柳春堤驚風一朝  
吹散歎西興兵火渡人稀白髮龜年尙在青山賀監重歸 恰相逢紫蟹

藁二十一 詩後十四

四

黃雞猶唱縷金衣奈狂客愁多秋娘老去木落烏栖無情斷橋流水把年  
光流盡付斜暉世事浮生急景道人抱膝忘機

又 壽嘉定趙侍

又 壽嘉定趙侍

仰頭看皓魄切莫放酒杯空記六詔飛書百蠻馳傳萬里乘驄天南碧雞  
金馬把枯棊殘局付兒童雞黍鹿門高隱衣冠鶴髮衰翁 歎干戈滿地  
飄蓬落日數歸鴻喜歌浦寒潮練塘新霽投老從容菊花滿頭須插向東  
籬狂笑醉顏紅高館青尊紅燭故園黃葉丹楓

又 詠月

中秋

水輪誰碾就千尺起嘯臺東記白傅堤邊庾公樓上幾度曾逢今宵廣寒  
高處問嫦娥瓊珮在何峰天上銀河珠斗人間玉露金風 聽江樓鶴唳  
橫空人影立梧桐有宮錦袍緋綸巾頭白鐵笛仙翁欲乘月明飛去過嚴  
城下界打霜鐘醉卧三山絕頂倒看萬箇長松

又 壽汲古閣主

又 壽汲古閣主

尙湖高隱處校漆簡定遺經正伏勝加滄揚雄強飯七略縱橫爭傳殺青

奇字更五千餘偈。卍南能夜雨蒲團。佛火春風。菌閣書聲。臥荒江投老。遺民兵後。海田耕喜。柳塢堂開。月泉詩就。黃酒行吟。高談九州。風雅問開。元以後。屬何人。百歲頤毛。斑白千年。翰墨丹青。

水龍吟

送孫悅心之真定

無諸臺上春風。燕南魏北。聲名起。金戈鐵馬。神州沉陸。幅巾歸里。種柳門前。藝瓜陂下。北窗煙雨。過天涯。故舊貽書到。一鞭行李。滹沱水。挾瑟高堂。趙女問叢臺。幾人珠履。青史紛爭。干戈譁笑。陳餘餘張耳。漢壘秦軍。李龍宮苑。銷沉何處。向孤城。但有寒鴉。落木暮天。羈旅。

風流子

爲鹿城李三壽

青山當戶。牖秋光。霽明月。倒壺觴。羨金粟道人。草堂松竹。青蓮居士。藜閣文章。傳家久。朱明開。累葉畫省。付諸郎。綠酒黃花。淵明高卧。紅顏白髮。樊素新妝。登高頻回首。江南舊恨。在鐵笛。滄浪十載。故園兵火。三徑都荒。待山園再葺。讀書萬卷。湖田晚熟。縱博干塲。老子婆娑。不淺儘意。疏狂。

又

送張編修舊學河南

中原人物。盛征驂。過花發。洛陽街。羨嚴助。承明連。城建節。茂先機。近好士。

囊二十一詩後十四

五

掄才資。徒滿賦。成誇授。簡鐘鼓。遠繁臺。嵩嶽出。雲鬱葱。千仞澗。河天際。屈注西來。憑高披襟。處千觴。引醪醑。意氣佳哉。回首日邊。臚唱。御筆親裁。待尙書尺一。趨歸視草。門盈桃李。學士高齋。領取玉堂佳話。黃閣重開。

又

感舊

咸陽三月。火新宮。起傍鎖。舊莓牆。見殘壁。廢磚何。遺遺構。荒薺衰草。一片斜陽。記當日。文華開講。幄寶地。正焚香。左相按班。百官陪從。執經橫卷。奏對明光。至尊微含笑。尙書問大議。共退東廂。忽命紫貂。重召天語。琅珉賜龍團。月片甘瓜。脆李從容。晏笑拜謝。君王十八年來。如夢萬事。淒涼。

沁園春

贈柳敬亭

客也何爲。十八之年。天涯放游。正高談拄頰。淳于曼倩。新知抵掌。劇孟曹丘。楚漢縱橫。陳隋游戲。舌在荒唐。一笑收誰。眞假笑儒生。証世定本春秋。眼中幾許。王侯記。珠履三千。宴畫樓。歎伏波歌舞。淒涼東市。征南土馬。慟哭西州。只有敬亭。依然此柳。兩打風吹絮。滿頭關心處。且追陪。少壯莫

話閒愁。

又

午朝遇雨

十里紅牆樹色陰濃銅屏洞開見觚稜日炫金銀照耀朱霞天半避暑樓  
臺忽起奇雲琉璃萬頃燕雀累風動來西山上龍迎返照急雨驚雷  
涼生殿閣佳哉但瀟灑瑤堦絕點埃聽御河流水琤琮雜珮黃滋細柳  
翠逼宮槐玉管銀毫冰桃雪藕枚馬詩成應制才承恩久待歸鞭晚露步  
月天街

又雲間張青瑁從中  
州南還案調壽母

極日中原慷慨平生濁醪一杯念高堂老母桓釐志行窮途游子仲蔚蒿  
萊雅負經綸文章小技三尺遺孤何壯哉辭家久到燕南趙北赤日黃埃  
吾徒造物安排且布鞵青鞵歸去來有蓴羹鱸膾可供蔬餼魚村蟹舍  
可草茅齋貧賤安親詩書養志世上機雲少棄才成名後把懷清築起百  
歲高臺

又觀潮

八月奔濤千尺崔嵬浩然欲驚似靈妃顧笑神魚進舞馬夷擊鼓白馬來  
迎伍相馳夷錢王羽箭怒氣強於十萬兵崢嶸甚訝雪山中斷銀漢西傾  
孤舟鐵笛風清待萬里乘槎問客星歎鯨鯢未剪戈船滿岸蟾蜍正吐

藁二十一 詩後十四

六

歌管傾城狎浪兒童橫江士女笑指漁翁一葉輕誰知道是觀潮枚叟論  
水莊生

又丁酉小春海棠與水仙並開王廉州爲子  
寫秋林圖初成因取瓶花作供輒賦此詞

有美人兮宛在中央仙乎水哉似藐姑神女凌波獨步瀟湘極浦洗盡塵  
埃忽遇東鄰彼姝者子紅粉臙脂笑靨開須知道是兩家妝束一種人材  
東君著意安排蚤羯鼓催成巧樣裁豈陳王賦就新添女伴太真睡起  
共倚妝臺玉骨冰肌豔梳濃裏妙手黃荃未見來霜天晚對膽瓶雙絕點  
染幽齋

又吳興愛山臺觀  
飲分韻得闕字

妍景銷愁輕衫乘興扁舟往還遇使君倒屣銀牀枕簟羣賢傾蓋玉珮刀  
鋌下若新醅前溪妙舞落日樓臺雨後山雕闌外有名花婀娜嬌鳥繡窠  
衰翁天放疏頑况廿載重來詎等閒欺此方嚴虎背絲白馬冠嚴白虎  
與呂蒙戰於吳當年宋態綠髯紅顏唐李涉有贈吳興妓朱態詩春色依  
與之石城山當年宋態綠髯紅顏唐李涉有贈吳興妓朱態詩春色依  
然舊游何處剝得東風初一灣吾堪老傍鷗汀雁渚石戶松關

賀新郎 送杜旂

雙髻愁來白數威名西州豪燕玉關沙磧家世通侯黃金印馬稍當年第一磨盾鼻懸毫飛檄雅吹投壺詩萬首舊當陽虎帳春秋癖思往事頓成昔 天涯寂寞青門客念平生鞭箠萬里布衣之極滿地江湖漁歌起誰弄扁舟鐵笛正柳色依依南陌日暮鄉關何處是故人書草沒摩崖石漫回首淚沾臆

又病中  
有感

萬事催華髮論龔生天年竟天高名難沒吾病難將醫藥治耿耿胸中熱血待灑向西風殘月剖卻心肝今置地問華佗解我腸千結追往恨倍淒咽 故人慷慨多奇節爲當年沉吟不斷草間偷活艾灸眉頭瓜噴鼻今日須難訣絕早患苦重來千疊脫屣妻孥非易事竟一錢不值何須說人世事幾完缺

# 梅村家藏藁卷第二十二終

藁二十二 詩後十四

七

新詩數次始

日暮靜若騷早患苦重來千疊脫屣妻孥非易事竟一錢不值何須說人世事幾完缺

故人慷慨多奇節爲當年沉吟不斷草間偷活艾灸眉頭瓜噴鼻今日須難訣絕早患苦重來千疊脫屣妻孥非易事竟一錢不值何須說人世事幾完缺

雙髻愁來白數威名西州豪燕玉關沙磧家世通侯黃金印馬稍當年第一磨盾鼻懸毫飛檄雅吹投壺詩萬首舊當陽虎帳春秋癖思往事頓成昔 天涯寂寞青門客念平生鞭箠萬里布衣之極滿地江湖漁歌起誰弄扁舟鐵笛正柳色依依南陌日暮鄉關何處是故人書草沒摩崖石漫回首淚沾臆

萬事催華髮論龔生天年竟天高名難沒吾病難將醫藥治耿耿胸中熱血待灑向西風殘月剖卻心肝今置地問華佗解我腸千結追往恨倍淒咽 故人慷慨多奇節爲當年沉吟不斷草間偷活艾灸眉頭瓜噴鼻今日須難訣絕早患苦重來千疊脫屣妻孥非易事竟一錢不值何須說人世事幾完缺

梅村家藏彙卷第二十三

文集一

雜文一

尹氏論

隱三年夏四月尹氏卒左傳曰君氏卒君氏聲子也公羊穀梁傳曰譏世卿尹氏天子之大夫也夫隱生稱公死稱薨其攝位無明文歐陽修疑之胡居平不備禮於其母也子以母貴母以子貴隱稱公而母不稱夫人隱公順其死父而欺其生母哉且隱二年十有二月乙卯夫人子氏薨公羊曰隱之母也穀梁曰隱之妻也夫使爲母隱無二母也其爲隱之妻則母稱卒妻稱薨母稱氏妻稱夫人隱之大罪也春秋何以不書不書何以示訓左氏無傳杜氏曰此仲子也桓未爲君隱已爲君隱桓之君其爲尊卑也微桓未爲君而終爲君其母卒先稱夫人以權可也隱旣爲君而將不終爲君其母卒稱夫人以權亦可也故尹氏爲聲子非也其曰天子之大夫天子大夫尹氏吉甫後也吉甫有大功而賜氏族于周其後爲幽王三公以亂國政幽王之崩距平王庚戌崩五十餘歲此尹氏者吉甫之孫師尹之子也其爲師尹之子名滅爵絕不可以世其爲吉甫之孫功在王室不可以不世春秋世卿則譏之常武之勳其謂何而忘之也曰春秋之責尹氏世執朝政爲周亂階夫有甚甚之辭焉如是則必尹氏之族絕於隱三年之夏五月春秋告天王之甯而書之曰亂人亡矣亂人亡矣迺五年傳稱王使尹氏助曲沃伐晉僖二十八年王命尹氏策命晉侯文十四年王使尹氏訟周公于晉成十六年十七年尹氏令諸侯伐鄭昭二十三年尹氏立王子朝二十六年以子朝奔楚前此有卿後此有卿此一卿者弗稱王命弗亂王室何獨取載于春秋也夫上書三月庚戌天王崩下書夏四月辛卯尹氏卒天王實以王戌崩其去辛卯三十日爾春秋之義王后崩太子卒不赴則不書夫天崩地坼新王在疚東方之諸侯魯姑息實不至而復以一上大夫卒遣王人以赴告乎然則尹氏何居曰公之爲公子也與鄭人戰于狐壤止焉鄭人囚諸尹氏賂尹氏而禱於其主鍾巫遂以尹氏歸而立其主注曰尹氏鄭大夫也公立而尹氏未有爵命疑其人以身爲鄭臣保隣國之公子而越在魯境公立之後耻邀天之功而受魯爵老而不仕以爲高于魯不惡于鄭其卒也公應臨其喪史臣書日以重之

彙二十三文一

一

其例爲內大夫則非內大夫也例爲外大夫則外大夫不書卒且不終於鄭書鄭非所以爲訓也故去爵書氏示不臣報有功爾

### 祭仲論

竹林之論祭仲也曰祭仲措其君於人所甚貴以生其君故春秋以爲知權而賢之逢丑父措其君於人所甚賤以生其君春秋以爲不知權而簡之夫仲祭邑之封人也爲公娶鄧曼生昭公而有寵失正甚矣君薨太子立國人未附仲爲鄭國而往省于留之鄙邑又不戒備而見執于宋爲仲者死之已耳公羊傳曰祭仲不從其言則君必死國必亡夫鄭昭公之爲公子也敗北戎之師獲其二帥大良小良甲首三百宋人豈昭公敵哉其失國出奔繇乎祭仲也祭仲相先公執其國柄自左右親近以及管庫之士皆仲黨也祭仲以爲君則君而已矣祭仲以爲讐則仇而已矣昭公即位之日淺雍姑在內祭仲在外可奈何使祭仲見執辭以必死宋人挾厲公而求入焉國人憤祭仲之執而讐厲公吾未見宋人之師得焚渠門而入大遠也君何以必死國何以必亡祭仲不死突入忽出終至兄弟分國魯宋稱兵君幾以死而國幾以亡者祭仲之爲也然則仲舒以爲知權者何仲舒親見高后之世平勃以知免如公羊所言少遠緩之則少帝可故廢而代王可故立夫平勃亦幸成功耳假令少帝如子突有臣如雍糾絳侯能箱皇帝璽授之代王哉王僧辯奉淵明而廢方智當是時齊人克東關矣梁之從齊社稷之故也而陳霸先因之以爲國禍君子以罪僧辯若祭仲又何以處之哉逢丑父死以免君而見非祭仲生以逐君而見賢是春秋教亂之書也甚矣其謬也

### 王室卿士論

周平王以後卿士大夫克獎王室者惟富辰單旗好強諫王孫滿饒智略劉康公論禮單襄公稱詩以諸侯之步言視聽諷諭乎天下而內史過內史叔興之屬災祥生死占其表應近乎文史卜視之間當是時諸侯之士勇者効其力智者通其謀策慮臆奔走乎當世而王朝卿大夫適與之辯貌失而論服妖考咎徵而言鬼事不亦未乎然而以諸侯之暴戎車之強卿材之衆三川天下之衝諸侯之師免胄超乘日過乎其郊終詘然於二三卿士之言而不敢動則又何也夫侯不發幣於公卿而陪臣之聘享天王迺有私賄罪人不執歸於京師而上宰之爭政大國聽其獄詞周之

衰也匪徒君之憂實甚士大夫蓋亦岌岌矣倉庚陽樊之鄙人耳登城之呼一奮其氣晉軍退舍豈赫赫宗周必無其人哉周士大夫之謀曰苟得其勢不煩干椒苟得其情不須強武人固有志盛於三軍而氣衰於脫劍賈勇於超距而流汗於樽酒禮使之然也詩曰人而無禮胡不遘死人而無禮不死何爲今吾觀列侯與大夫而皆知其及庶幾或有鬼神焉夫禮之可以服天下也又益之以死能無懼乎不然夫以王章之不修也侯度之不恪也受玉而容情非若請墜之愆稱伐而語犯非若爭田之罪也爲彼而猶獲福爲此而遂及禍此不必然之說也周人之言方怪者自黃弘農弘事周靈王諸侯不朝周周力少乃明鬼神事設射狸首狸首者諸侯之不來者依物怪欲以致諸侯諸侯不從而晉人執殺黃弘夫事鬼神依物怪欲決人死生而身且不免見殺則鬼事恢譎不經矣故禮不足治而事鬼神鬼神不足事不得已而仍救之以禮禮與鬼神雜用以治乎諸侯者衰周之道也記曰殷人先鬼而後禮先賞而後罰禮者所以賞而鬼者所以罰殷道然矣殷人尊神事鬼而後禮其衰也君臣以刑戮威侮諸侯慢於鬼神而殷亡周人尊神事鬼而先禮其衰也君臣以禍福諷告諸侯

葉二十三文一

三

聽於鬼神而周弱雖然周士大夫猶能以動作威儀之則正告天下浸淫乎戰國縱橫之士恫疑虛喝以邀諸侯其所謂鬼神則又遷爲七日之叢神東國之桃梗迂罔鬼瑣而不信而儀秦代厲之屬皆周人也嗚呼此亦禮之失也

伍胥復讐論

子胥之鞭平王尸也左氏不載其見於穀梁傳者曰壞宗廟徙陳器撻平王之墓鄭康成曰鞭其君之尸夫撻墓之與鞭尸則有間矣雖然此吳之君臣爲之未有言子胥者也史記則以子胥求昭王不得乃掘楚平王墓出其尸鞭之三百越絕書則以子胥撻鞭撻答平王之墓而數之吳越春秋則以伍胥掘平王之墓出其尸左足踐腹右手抉其目以余論之此三書者未可以盡信也子胥之父誅於楚也挾弓持矢而去楚以伐楚之利子吳王僚公子光阻之公子光立是爲闔閭闔閭欲爲興師而復讐於楚子胥又自止之曰諸侯不爲匹夫興師逮楚釁而後動入郢之役子胥之父死十有七年平王之亡亦十有一年矣子胥之爲人深沉好謀彊忍有濟固非負其勇氣逞於一決不顧其後者也伍參以郢之役食采於椒舉

吳鳴皆邑大夫而奢則太子太傅貴顯於楚者四世費無忌以同官之忤傾世臣而覆其宗平王聽用其語其子之不愛又何有於臣子胥之讐宜首無忌不專在平王也太子建廢非其罪竟死於鄭子胥所痛心疾首者不徒奢尙之死而在建之不得立蓋欲借兵於吳扶建之子勝立之楚以無忘乃父之志廢昭王誅其讒佞而存楚之社稷則子胥之忠孝可白而吳之霸業可成爲吳卽其所以爲楚也彼肯以其名讓之申包胥哉乃吳師驟勝而驕楚舊臣伯嚭之徒在吳軍中用事傾其故國以奉其新主甚至廢毀宗廟瀆亂男女而秦人起於外夫概反於內不能定楚而歸大非子胥之心矣夫子胥固其兄尙所稱仁者智者也被遲之十七年之久以待其必克縱不能復立故太子之子以得之闔廬亦宜按兵休甲待楚人之心無故戮辱先君之尸以怒楚楚之宿將舊臣將圍視而起矣此騎劫之所以敗於齊也而謂子胥仁且智者爲之耶且子胥之先自參以下四世皆葬於楚子胥之復讐以爲孝也獨不慮先人一坏土楚人尤而效之乎設令吳兵去楚昭王復國哭於其襄之廟收先王之遺骨而葬以衣冠然後盡發伍氏之丘隴而汚渚之以告諸侯子胥何以自立於天下乃紀載不聞其事是豈子胥能復奢尙之讐而楚昭不能復平王之讐雖吳強而楚弱必不得之數也或曰吳君臣以班處宮蓋有欲妻楚王之母者又何有於君之尸曰吳蠻夷也其君臣逞其兇威而蹈於不義料子胥力諫而不從也吳越春秋乃曰子胥令闔閭妻昭王夫人子胥亦妻囊瓦司馬戍之妻夫費無忌殺伍胥而囊瓦殺之是有德於子胥者莫囊瓦若也而謂子胥爲之其說尙可信乎昭王之奔郢也鄭公辛之弟懷將弑王曰平王殺我父我殺其子不亦可乎辛曰君討臣誰敢仇之君命天也若死天命將誰仇公羊曰父不受誅子復讐可也父受誅子復讐推及之道也夫無極之譜伍奢之寃其不受誅明矣非鄭公比也君子固以復仇許之矣然而吳師未入則楚吾讐也吳師旣入則楚又吾君也公羊傳曰復仇不除害其道以爲雖遇昭王猶將爲之請也夫不忍得生王之頭祭死父之壘而謂讐死君之骨以快生臣之忿哉然則爲此說者何居曰夫差忘人之殺其父而赦勾踐不聽子胥之諫而賜之屬鏤以死後之紀事者甚子胥之復仇所以深著夫差之罪也不知夫差之所遇者敵國也讐也子胥之所遇者仇也故君也故君可仇而不可仇非可以一例論也爲人臣者

不知春秋則有味於復讐之義者矣吾故辯子胥之事以正告之焉

宋魏兩彭城王論

宋文帝弟曰義康封彭城王為侍中錄尚書事進位大將軍領司徒魏孝文帝弟曰懿亦封彭城王加侍中除中書監假中軍大將軍領司徒此兩王者後均以事見殺余每讀其傳未嘗不三太息焉史稱宋文有虛勞疾義康盡心侍奉湯藥飲食非亡所嘗不進或連日不寢彌日不解衣而孝文之不豫也懿泣諭上醫祈請懇至見者莫不嗚咽晝夜不離左右衣不解帶亂首垢面飲食必先嘗之而後手自進御嗟乎天子之子天子之弟明德懿親代不乏賢若夫修家人之禮講布衣之歡分形共氣友于骨肉三代而下未有及兩王者也義康性好吏職素無術學懿則敏而耽學雅好屬文此其識度豈可同日語哉且義康於內外眾事皆得專決施行植黨固權勢傾天下懿也入贊大政表解侍中出總六師苦辭軍要逮夫晏駕彌留親賢受託而涕泣陳議辭勤請免自古有親賢侍疾而大行遺詔許其仲退者乎若使義康處此劉湛孔循秀之徒必向尚書篋曹索晉立康帝故事矣義康也誅則懿也宜迺此兩王均以寃死則又何也義康

董二十三文一

五

既聞大體兄弟至親不復存君臣形迹遂用及禍懿因長兄之重未忍驟離萬年之後固早慮及此而辭蟬捨冕難遂初懷騎虎握蛇終見猜忌雖其後高肇小人枉殺賢王事匪劉班覺殊殷鑒此輿車子受禍本末較然顧當馬圈大漸魯陽發喪北海謂大得人情咸陽則料其為變即有孝文手詔而宣武之疑夫已甚矣此高肇之諧所以入也宋文猜忍無親推及同氣鄭伯克段殆又甚焉孝文始終恩禮式好無尤而周公金縢奕世不免嗟乎嫌疑之際豈不難哉推而遠之且不可况居之者乎然義康竟廢為庶人而懿歿諡武宣追尊文穆終有天下是其子孫元順有言積德必報是或然也

梅村家藏彙卷第二十三終

# 梅村家藏藁卷第二十四

文集一

雜文二

郊廟考

國家祀典南北郊有合祀有分祀祖禰有專廟有合廟鍾山之陽鍾山之陰國初李善長所上議也十二年上感陰雨而大祀殿之享親更樂章世宗從真言之請建泰神殿皇祇室而分祀之禮定昭穆有異宮太宗爲世室嘉靖中廖道南所疏請也二十年羣廟災廷議以太廟左右地勢狹隘爲同堂異室而合廟之禮成從南北郊祭者二十四壇從祖禰祭者十五王十七功臣二十四壇之祭日月有別享曰朝日壇夕月壇山有附祭曰基運山朔聖山神烈山天壽山純德山十五王之祭壽春王於高皇爲伯霍王以下七王爲兄今書曰高伯祖考實應以下八王爲侄今書曰曾伯祖考十七功臣之祭武甯以下八人爲王六王爲開國二王爲靖難虜國以下七人爲公五公爲死事一公爲靖難一公爲追封永義一侯誠意一伯誠意初次六王忠武之上今次公侯永義之下此我朝郊廟之大略也

墓一十四文二

一

若夫配食之議建文徽仁祖而郊高皇仁宗因高皇而進成祖世宗則祈穀並侑二祖而大亨獨躋獻皇祧殿之議憲宗升祔而議祧德祖禮官駁論而主祧認祖世宗則親盡上及四親而大洽兼隆太祖奉先之時享景神之告致玉芝之藏主於外朝則已遠於四時則已疏展親之儀也孝穆之享奉慈孝烈之饗弘孝恪之饗神霄其尊之則立別廟其罷之則附陵官母后之道也夫國家祀典始於高皇而盛於世宗高皇天造之日博集羣儒稽參經術郡國不立廟列侯不酌金上帝絕感生之誣始祖無遠廟之失且夫製樂歌者九章房中協律之曲不得陳矣定籩豆以十二山林川澤之實不得登矣大庖祝竈通於庶民京師泰厲達之天下淫昏之鬼不得進矣四夷之山各祭於方支子之社則從其望矯誣之祀不得列矣若此者高皇敬共明神宗濂陶安樂韶鳳之倫釐正之力也世宗初卽位興獻之禮上旣已撓羣議推事獻皇至於羣祀非有以大秩之無以示當世諸臣微知上指勸上立九廟開明堂行大禘上冊寶美哉洋洋乎禮樂之盛而何云豐昵也京師故有金闕玉闕祠或曰永樂十五年禱之絕有驗故爲立宮其若太和山觀廬師仙潭皆雜祀也上下以爲神適營新

廟作之西苑先醫高祿蠶神馬祖山公水伯司海司舟罔不領於天子之祝官然而封不及泰山望不過安陸曰茲勞民故抑而不議也

### 復社紀事

自制舉藝之法行其撰著之富單行可傳無如臨川陳大士際泰大士與其友羅文止萬藻章大力世純艾千子南英實共爲此學三子者僅舉於鄉大士久次諸生未遇也金沙周介生鍾始以制藝甲乙天下其推重者曰臨川曰萊陽萊陽宋九青致父子兄弟治一家言於臨川不及也然最以科第顯蓋介生爲此說踰年而吾師張天如先生諱溥從婁東往復社之舉自此始初先生起里中諸老生頗共非笑其業以爲怪一時同志蘇州曰楊維斗廷樞曰徐九一汧松江曰夏彞仲允彞曰陳臥子子龍而同盟最親善曰張受先采讀書先生七錄齋海內所目爲婁東兩張者也受先舉戊辰會試第三人九一進史館是爲崇禎改紀之初年先生以貢入京師縱觀郊廟辟雍之盛喟然太息曰我國家以經義取天下士垂三百載學者宜思有以表章微言潤色鴻業今公卿不通六藝後進小生剽耳傭目倖弋獲於有司無怪乎楮人持柄而折枝舐痔半出於誦法孔子之

### 藁二十四文二

二

徒無他詩書之道虧而廉耻之途塞也新天子卽位臨雍講學丕變斯民生當其時者圖仰贊萬一庶幾尊遺經砥俗學俾盛明著作比隆三代其在吾黨乎乃與燕趙魯衛之賢者爲文言志申要約而後去受先旣筮仕臨川網維張設一以古循吏爲師先生歸盡發篋中書視其傳寫之踏駭箋解之紕繆點定而鈎貫之於制舉義別芟訂以行世顏曰表經曰國表昭本志也楚熊魚山先生開元用能治劇換知吳江縣事以文章飭吏治知人下士喜從先生游吳江大姓吳氏沈氏潔館舍庀飲食於其郊以待四方之造請者推先生高第弟子呂石香雲孚爲都講石香好作古文奇字浙東西多聞其聲而湖州有孫孟樸淳銳身爲往來紹介於是臭味翕習遠自楚之蘄黃豫之梁宋上江之宣城甯國浙東之山陰四明輪蹄日至秦晉閩廣間多有以其文郵致者先生丹鉛上下人人各盡其意高譽隆洽沾丐遠近矣二年庚午省試胥會於金陵江淮宣欵之士咸在主江南試爲江西姜燕及先生榜發維斗哀然爲舉首自先生以下若卧子及偉業輩凡一二十人列薦名吳江吳來之昌時亦與焉稱得士而大士同時始舉於其鄉主者從廢卷中力索之適遇燕及先生猶以不得介生有

餘恨云四年卒未偉業舉禮部第一先生選庶吉士天下爭傳其文而艾  
千子獨出其所爲書相警誓千子之學雅自命大家熟於其鄉南豐臨川  
兩公之言未嘗無依據顧爲人褊狹矜憤不能虛公以求是嘗燕集兪州  
山園卧子年十九詩歌古文傾一世艾旁睨之謂此年少何所知酒酣論  
女仗氣罵坐卧子不能忍直前毆之乃嘿而逃去已復僑居吳門論定帖  
括挾異同賈聲利故爲抑揚以示縱橫非其讀書本指已先生既篤志五  
經諸史不復用制藝與千子爭長短獨取其事折衷於介生介生之從兄  
日仲馭鑪南司農郎著風節解官講授南都兄日簡臣銓才不及弟與彝  
仲卧子同舉丁丑進士介生生平執友大士七十登第九青官已隴九卿  
駸駸公輔矣介生淪落諸生自如也先生初以少長兄事介生既顯貴傾  
介生客顧修舊節唯謹於事必首介生而已爲之下介生亦不以貧賤故  
少有所抑損世稱友道以周張爲難受先旣謝病歸先生亦請假還里公  
廉於郡邑無所私謁先生性好士窮鄉末學粗知好古攻文輒許與不置  
口賴其獎擢成名者數十百人臺使者視所言以爲取舍以此附麗益衆  
或稍乘其氣凌籍於人而士之不見齒錄者多褊心不能無望受先卽遇

臺二十四文二

三

同輩亦多所摩切敢爲激發之行數以古法治黨閥左銖兩之奸輒誦  
言誅之若惟恐其人弗聞知者兩公性不同相愛見則互教誠所不及介  
生卧子亦貽書規之然終不改當復社未起時吾郡虞山錢牧齋吳門文  
湛持姚現聞三君子由忤璫召用牧齋以杖下爲烏程相許奏罷歸其同  
時奏對稱旨先烏程大拜者陽羨周挹齋先生辛辛未會試在先生及偉  
業爲座主自以位尊顯無所稱於士大夫間欲介門下士以收物望尋謝  
政得請而烏程竊國柄陰驚慘叢謀於其黨刑侍郎蔡奕琛兵給事中薛  
國觀思所以割又東南諸君子先生益掩太息蚤夜呼憤其門弟子從若  
雲間來者具得相溫陰事名爲廉潔奉法實縱子弟暴橫鄉里招權利通  
金錢先生引滿聽之以爲笑諛語稍稍流聞相溫時盛修鄒虞山思一舉  
并中之未得問也會上憂耳目壅閼詔吏民極陳時政闕失山陽一妄庸  
武生上書言事躡拜吏給事中海內輕躁險詖之徒競思釣奇抵巇以封  
事得官相溫陰計此便遂釣致陳履謙張漢儒與謀履謙漢儒者故虞山  
胥吏有罪亡命入京師而政府遣腹心延之東第密受記告牧齋及其門  
人瞿公式耜所爲不法相溫從中下其章銀鐙逮治而復社之獄並起先

是郡司李閩周之夔宿名士於兩公爲舊好而太倉守東粵劉公士斗皆辛未同年生相厚善郡自以它事與守相失陰中守於漕御史御史顯以郡章聞守有惠政兩公挽之不得譴讓周俾無所容周內慚因慰甚曰若我故人遇事不右我而衆辱我持兩公所爲軍儲說顯相詰而軍儲本由一邑規便益建請事亦未施行於漕政無所得失雖假借相搯拄不能有以難也周性下急又爲蜚語構周顛蹙日甚上臺亦浸厭之尋發狂易疾乞養去官州人陸文聲者黽僮無行嘗招搖取賂受先報而扶之知當國方讐復社逸入都就張漢儒同邸舍寅緣得謁見國觀拮據兩公事十餘條踵漢儒上章誣奏上疑兩案難併逮下提學御史山陰倪公元珙馳治倪公賢者卽蘇松道慈谿馮公元颺所讞以奏曰臣奉詔董諸生而復社多高材生相與考德問業不應以此爲罪文聲挾私憾瞞誦抵欺熒惑上聽所奏故不以實昧死聞有詔并元颺鐫級調用相溫自謂怨已搆事終遠緩不決文聲小人語不足聳上聽知司李老悖失職可以利啗而動也嗾奸弁李應實條奏內詰之夔去狀微開其端命奕琛給而挑之若來故物可引手致而之夔以母服走七千里伏闕上書矣往者邑子不快於社

藁二十四 文二

四

事謂先生以闕里自擬曰配曰哲傳會指日先生葬母門下士以古文字書誌表誤配作妃尋手自竄定其本已有流傳者之夔草復社或問遂大書之訐爲僭端又無名氏詭託徐懷丹檄復社十大罪語皆不經之夔入京師執二書爲左驗先自言爭漕棄官語侵撫臣張公國維按臣祁公彪佳坐以黨私壅蔽於溥采則危言醜詆陷以不軌賴上神聖疑其太切當有詐章下所司如前之夔修飾或問及檄謀再上而陳履謙張漢儒爲東廠緝獲事撈死長安右門盡得相溫關通狀坐罷免宵小爲失氣之夔竟不得官文聲去爲道州簿贓敗痕死未幾薛國觀從庶僚得政蔡奕琛與里豪吳中彥者交私受其金爲警獄南御史成公勇發其事以指縱疑先生謀益急吳來之昌時爲禮部郎移書先生曰虞山毀不用湛持相不三月被逐東南黨獄日聞非陽羨復出不足弭禍主上於用舍多獨斷然不能無中援惟丹陽盛順伯可與謀順伯時客先生所故與介生嫻舊雅負權譎見其書奮日來之策誠善願非公言莫足鼓動者某請銜命矣先生嘿不應來之以已意數申欵問遣中貴人卒不能得要領間刺探一二禁密語疏中數爲人傳說沾沾自多公卿固側目國觀以私人王陞彥賄遺

事敗下北司考竟得罪陞彥雲間人出自吳氏國觀微疑語泄以及此禍將死語監者曰吳昌時殺我語上聞來之不以爲憂顧色喜已而陽羨果召召自出上意初非有他也而來之自謂謀已行視世事彌不足爲先生前十日屬疾卒於家千里內外皆會哭私諡曰仁學先生崇禎十四年辛巳五月也其十一月蔡奕琛以賄國觀前事逮訊不肯入獄抗章自訟爲復社諸人構陷以舊邑令丁煌語爲徵取復社或問及檄增異上之且因以并攻虞山曰復社殺臣謙益教之也陽羨方敦趣在中道時相爲調旨責三人具對謙益奏曰臣先張溥成進士二十餘年結社會文止爲經生應舉臣叨任卿貳不應叅涉奕琛以舊輔溫體仁親戚疑臣報復其坐王陞彥事自有睿斷非遠臣所得與知采奏曰復社之起在臣令臨川日自此杜門病廢十年謂復社是臣事則臣非其時謂復社非臣事則張溥疋臣至友上覽其詞直置弗問而奕琛坐本罪論戍再用御史劉熙祚言取先生所纂五經註疏大全及禮書樂書名臣奏議數百卷繕寫進覽人皆謂先生著作之才見嫉時宰不獲盡史職於生前僅得受主知於身後可謂國家人材痛惜然先生死而讒口咎咎猶追仇其地下之骨幸蒙天子

瀚雪又并其遺書拂拭之於以見稽古之不容泯滅而海內爲之興起此乃斯文厚幸而先生之夙志也先生嘗密疏救時十餘事要陽羨以再出必行會上虛已屬任師相蠲逋租舉廢籍撤中使止內揀政多可紀悉當時所笏記識者皆追功先生而頗恨其身沒不究於用陽羨亦以此不終云來之不知書粗有知計尤貪利嗜進難以獨任比陽羨得志來之自以爲功專擅權勢陽羨反爲所用山陰江北諸君子不能平面責數來之於朝熊魚山則復社初起時所宗來之以邑諸生親受獎遇者也至是官棘寺爲國是異同廷擊首臣忤旨杖闕下繫詔獄來之力能俾政府申救顧不肯彊諍陰陽唯諾漫具藁饋示調解而已無何御史發來之他罪首臣爲所累與俱敗事具國史介生癸未成進士選庶常踰年國亡不能死汚僞命南奔伏法於金陵仲馭以匄黨賜自盡受先爲經紀其喪仲馭之講授南都也懷甯阮大鍼故奄傾危喜結納仲馭令其門人檄之出境阮緩頰輪平弗許介生常一遇之於杯酒間少弟我容後至語不合推案壞坐坐者皆失色介生徐引去不爲謝阮銜之次骨山東劉澤清故羣盜也既貴陽慕知名士奉書五百金虛左席以邀致介生介生卻其幣弗往弘

光中此兩人中外擅威福南士甘心復社迎合當事之意流傳增飾取不逞詞傳著介生口中二憾交作遂伏首強之誅及至仲馭不免人始知介生應死其殺之未必盡以其罪鳴呼仲馭剛腸疾惡橫爲匪人所害後世必有紀其事者可無憾矣介生以一念濡忍緩於引決重爲用事者齟齬蒙被惡聲殞身獨柳使先生在必爲噓唏掩涕恨其舍生取義之未能而身名併滅貽天下戮笑也明年南都覆虜一彛仲馭子維斗諸君子或抱石湛淵或流腸碎首同時老成俱盡而受先爲邑蠹里猾乘亂擄擊刺劔幾無完膚絕而復蘇又兩年而病沒於避跡之荒野其老儒佚叟零落僅存於往事都不復記憶亦罕有能言之者矣熊魚山流離南國削髮祝融峰下攜榔栗來吳中縛禪靈巖山寺號柏菴和尚今無恙余故輯而存之其姓名宜書者附見於篇

書宋九青逸事

九青長余二歲余以二十三舉進士九青用計吏選天下最入吏垣距其通籍之歲已六年又五年九青以刑右給事副余使楚兩人相得甚蓋其時天下已多事楚日岌岌而武昌阻大江固無恙楚之賢士大夫爲魚山

葉二十四文二

六

熊公澹石鄭公乃九青同年生又皆吏於吾土聞兩人之至也拏舟來酌酒江樓敘述往昔商較文史夜半耳熱談天下事流涕縱橫兩公用言事得罪流離放廢又家在湖北日暹狂寇坎壈無聊生澹石自云止一愛妾已死所著書輒不就魚山欲逃諸老佛無當世意矣九青激昂大節無愧兩公而官塗日進家室復完尊人僉憲公家居二十年得旨起用長兄爲金壇令舉治行第一宗族子弟通長安籍者復十數人九青姿望吐納天下無二通經術能文章其五言最工章奏亦詳雅自云僉憲公夢李北地生其家而得九青余笑謂才地去卿差近名位殆復過之也性強敏有大度其令杞縣也定兩大亂折數十疑獄在垣中朝廷大事輒片言裁之聞者咸服顧不悻悻賈直爲名高以此不受當世齟齬而海內言事失職之徒好引九青以爲重九青亦汲汲勿倦也與人交能急患難有終始其在武昌也以魚山澹石遠而過我乃紆道數百里升堂拜母大捐橐中金爲壽而後去當是時江南告訐日起九青所與交如金沙叟東吳門雲間諸子岌岌不自保皆曰九青必用九青用吾徒老三壑無慮也卽九青亦雅自負云顧視天下亂甚嘗謀於余謂江南可以圖全迺爲僉憲公請補蘇

松兵備而九青以冊使便道來省其親與諸同志游過白門賣田宅以去金壇公用是年候考長安中遭疾暴卒九青入京哭其兄喪未幾二子俱以痘殤嗟乎九青自少爲進士未嘗一日有所摧挫至是乃忽忽不樂無復武昌江樓笑語時矣顧九青官日遷其去大用也日近得旨廷推旦夕備閣臣而驟逢上怒并下於理以譴歸會僉憲公喪未葬而山東被兵傍蹕東萊九青率家人登陣守城陷不屈死嫂夫人亦死宗人殲焉未一歲京師失守武昌前此已大亂魚山澹石避賊東下與余遇於南中談九青則相顧流涕有人從北來者輒詢宋氏存亡道路隔絕流涕接踵蓋亦不可知已如是又五年東萊周公鎮撫吾吳言九青尙有子以在襁褓得脫周公之出也過其家則已勝衣趨拜矣夫九青爲司農卿年未四十父子兄弟夾道鳴騶賓客故吏滿天下甯自料禍難一朝至此及乎身死家滅一門數十喪骸骨撐距又誰知漏刃有三尺之孤哉魚山澹石聞之雖欲勿哭焉得而勿哭也

清河家法述

婁東庶常張西銘先生既歿之二十載爲順治紀元之十有七年庚子十

墓二十四文二

七

二月五日先生夫人王氏命其嗣子永錫式似壻吳孫祥綿祖以僕陳三之罪來告召先生同年執友吳公克孝魯岡受經弟子吳偉業駿公胡周勳其章孫以敬令修穆雲桂苑先王挺周臣王揆端士金達盛道賓塾師許旭九日嫺黨王啓榮惠常王啓荃天雲周雲驥孝逸周雲駿孝威周雲祿介玉而先生同產十人其存者八曰泳幼濤永錫之生父也曰京應公碩曰淮孝白曰漣漪若曰源來宗曰濬禹疏曰樽子厚曰王治無近一號救庵官刑科右給事中惟京應守墓淮濬辭以疾餘後先來集前期周孝逸草檄聲陳三罪張氏之僕王臣等遂執以至踞之堂下夫人乃出設先生影於正寢之東序夫人俠拜進其子若壻拜謁興涕承睫不下凝立俟於東楹東當楣魯岡擡臺弟子肅容再拜興立於賓階內外宗長皆入拜立於東楹東少南已而闔北堂之廢魯岡以下咸進旅揖以見夫人北面坐子西面侍壻東面侍賓黨於右主黨於左畢以親疏雁行就列坐定夫人垂涕言曰未亡人之呪嘯隱忍二十年矣陳三伯舅氏司空公家產子也媵於葛被逐先庶常漸破錄用付以管鑰乘主殉竊貲而去其籍治第舍厚奉養詭製居士服示不臣爲子若弟營文武秀才又自以五十斷養

亦竄名其中令僣偶尊呼之以爲快西宅吾祖宗起家就第先贈公家廟在焉謀而踞爲寢撤簋堂遷木主大起土功僭侈踰等西郊方訓導古村墓吾舅氏外王父先庶常之外曾王父也此僕斥置園居亭直其隧破六棺遺骸有朱衣象服者亦遭揚灰而投諸水吾一老寡婦且病嗣子又孱遇僕乘軒過閭門弗爲下所居隔堵垣歌舞聲日震於側而歲時未有謁配耦弗以告甚則斥嗣子之父名而言之此伯叔所稔知也乃手一籍曰僕出入吾門衣敗履決今擁高貲牟什一絲髮皆攘之主人不可估校者且累萬卽先庶常遺筆僅存與未亡人所出付者不下數千金皆冒沒抵負而吾母子公私乏絕杯鎗簪珥盡入其質庫曾有金五兩未浹月俱倍稱之息以往輒抗不還復叱之曰此已有所歸若寡婦奈何不識時務欲得故物乎語起噉然哭坐者皆哭奮曰是宜殺無赦命屬偉業數其罪按簿所記枚問之擲之筆合置對彼見左證闕實無所辯悉署其下曰應還惟伏地祈哀願以時輸償所負之半違約當死日已晡矣不能深考竟薄加挾以藏成事焉於是相率拜先生之像設如初禮聊藉手以報告且謝防遏不豫夫人肅拜客入於房中子若壻皆再拜申謝曰眇末小子敢

囊二十四文二

八

頰長者之恩私遂置酒獻客觴三行偉業泫然流涕言於眾曰茲役也不幸者三幸者二昔莊生以廉直聞楚國陶朱公爲子殺人之獄而進千金生非有意受也待事成而歸之以爲信勅妻子曰此朱公金有如病不宿誠復歸勿動先朝未造大獄數起先生以君宗厨及之望急難救災數遣客入京師主名賢之橐饘止鉤黨之捕牒資用皆仰給富人長者事定將藉其贏以還之不意暴亡竟無末命以閱散行金之義成監須竊帑之奸此亦事之難料者矣今日吾等鉤稽遺籍始知先生潔已爲人慎於取與生產不立妻子饑寒後世傳聞者不知相如之當返白璧而疑王陽之能作黃金誰得而辨之乎一不幸也谷風刺而朋友衰春令歌而兄弟怨輓近道滴俗窳先生起而力正之薛包之於二弟成其聲名平仲之於三黨待以舉火天下聞而觀感焉早世無後張受先修道據宗法以置嗣侯廣成徐勿齋楊維斗百里來赴哭以告張氏之廟而書於策數君子相見九京未嘗不道先生堂構有成可無媿也吾輩後死之身居同里閭孤孺稚子制於輿僂賤禁之手莫可如何倘四方耆宿少俊移書切責杵臼望瞑目於程嬰孝標致微詞於到溉將何以復之乎二不幸也語曰盜憎主



事以爲鑒焉

遺安堂答客問

遺安堂者吾同年姻家錢子臣辰之所居也堂之後齋崇麗深觀極地塘亭榭之美主人新治一室壘土石蒔花藥爲具召余以落之余至喜而賀曰美哉室也願蹙焉若有感於中者既置酒喟然三歎中心結轡膚腠灑淅爵盈不能啐匕下不能嘗饋未畢辭以疾索輿而行翌日坐客有論余者曰僕觀先生之疾非疾也何居乎三歎余應之曰子知之乎余之歎蓋自傷也余季弟孚合以女女臣辰之子受明以其地與齒則嫡長且同母也以其人材則既孝且賢有勞於門戶者也迺臣辰偕二子者居斯堂而受明屏處於外夾河小屋繚以短垣上墀下陬漱塵僻隘度其直不足當二十分之一而受明安之父與弟亦若安之者或曰暫也或曰定乎其殆將悔也宗黨駭焉賓客疑焉縉紳長者相訝而告焉余彷彿思之不得無乃爲外家乎以吾弟貧且困裝送問遺之不能及人其女之嬪於高門者雖克修婦職育冢嗣詩曰它人有心余村度之得毋君舅之言曰若家不如我窮巷之與居陋室之與安俾汝之親戚過焉門不能容車路不能旋

臺一十四文二

十

馬固其宜也嗟乎苟無是言菟枯肥瘠之相懸何以至此余兄弟一體弟之女猶吾女也臣辰以姻婭之故厚余余之爲臣辰者未嘗不日切於懷也士君子之交道取其意不取其文自傷衰遲退弱任當世之所軒軋雖其知己骨肉亦從而易之高下在心不以我故稍平其稱量俯躬循省此愆遺之一老固已輕於毫毛矣迺猶不自憤懣折旋揖讓於此堂之中能無颯焉憐沮於心乎而余又安得而弗病乎子乃以吾爲非疾過矣客瞿然起立曰嘻容得若是乎夫長子者非餘子比所以主宗祀守堂構者也昔京城太叔百雉耦國鄭再世大亂袁本初劉景升覆轍相尋彼有土專制得行其意者猶若此况乎士大夫之家貽謀一不當宗人國人相率而操其後此愛之適以害之也堂名遺安而可遺之以不安乎若或書札探籌古云僭而不信縱卽其類以求之君子猶以爲非訓矧其倍蓰什百之不齊者也天下有公孤與丞尉同筭注授聽人採籌而得之乎錢氏自中丞公以來孝友輯睦封黃門公諸子析箸中外無間言祖宗家法之不守而徵諸鬼此不可之大者也語曰千丈之堤蟻穴潰之方今世祿之家戶不自保彭城幸篤謹素著侈力圖全無庸倒行而授人以釁且此地之有

前事也豈遂忘之乎彼惟失於闕伯實沈之忿爭不則爽鳩氏之有也何  
思炯鑒可以爲戒萬一主人意有所嚮噉喘未吐爲之仲季者當先事而  
憂以爲家之興衰身之禍福胥分於此也震懼悚栗頓首辭讓以自明於  
宗親長者之前胡寢嘿未之聞耶以僕揣之彼見長子者識事體習勞動  
俾之朝夕於閭閻之間見以措拄艱難既安且甯亟更詣大宅以爲家督  
主人得以其間重堂複屋早息晏興築爲風亭月榭擊鮮奏酒日吾有長  
子持門戶老人優游克有此樂耳此其父子兄弟慈孝愛敬無間吾儕親  
朋所當再拜稱賀者也先生其又何疑焉余聞之笑曰善哉子之言有以  
開余余之病且霍然已矣請以他日再升其堂而爲之飲酒

# 梅村家藏藁卷第二十四終

藁二十四文七

十一

梅村家藏藁卷第二十四終

開余余之病且霍然已矣請以他日再升其堂而爲之飲酒

限復常再拜稱賀者也先生其又何疑焉余聞之笑曰善哉子之言有以

開余余之病且霍然已矣請以他日再升其堂而爲之飲酒

限復常再拜稱賀者也先生其又何疑焉余聞之笑曰善哉子之言有以

開余余之病且霍然已矣請以他日再升其堂而爲之飲酒

限復常再拜稱賀者也先生其又何疑焉余聞之笑曰善哉子之言有以

開余余之病且霍然已矣請以他日再升其堂而爲之飲酒

限復常再拜稱賀者也先生其又何疑焉余聞之笑曰善哉子之言有以

開余余之病且霍然已矣請以他日再升其堂而爲之飲酒

